


Kodak Color Control Patches



泰州志卷之二十四

人物文苑

唐張懷瓘海陵人開元中官鄂州司馬翰林院供奉所

著書斷序文字論二王書錄諸篇見

欽定全唐文

舊州府志不載今增八


宋潘汝一字古玉博貫經史工爲文靖康初徽宗南幸

童貫等勸渡揚子汝一至江都上書乞回鑿慰天下建

炎閒許容攝州事降金汝一不食者數日所親強之乃

起金將遣人通意且曰不獨免死孤城將北借濟上富

且貴焉汝一罵曰吾生於宋死於宋闔門爲忠孝鬼舍



笑入地矣容欲作賀偽齊表召之不往金又命容擇文士草檄容迫遣之汝一以死拒金人取城中圖書或求其所著文以獻汝一指篋曰此豈可充雞林庭幣耶鄉人高之紹興中以進士久次得官更歷州縣著有羣玉府鳳池集共二十卷

府志參舊志

仲并字彌性紹興二年進士歷光祿寺丞終朝請大夫淮東安撫司參議幼好學強記每一展誦終身不忘其母嘗屏所觀書几上惟臺麻一冊明日默記吉曜凶煞纖悉不悞及長潛心問學力排王氏一偏之說唯孔孟是師所著有浮山集十六卷

府志參舊志

仲并舊志作興化人案紹興間興化為泰州領縣府志作江都人誤

明全英成化間舉人嘉靖州志乃英草創少時與儲懽共學文望並重於時

舊志

石光霽字仲濂讀書五行俱下洪武十三年以明經舉授學正進博士作春秋鉤元能傳張以寧之學

府志錄明史

華湘字楚源淹貫星緯精數學正德十二年進士授工部郎用御史朱節薦歷光祿司少卿管欽天監事鄭曉吾學編輯其疏尋以事謫守蒲州稍遷廣西思恩府丞致仕家居不治垣屋泊如也嘉靖初火星麗貫索詣欽

天監問主何占答言主有大臣赴詔獄問何事無以答
 湘曰五行於禮屬火當因議禮已果驗一日本兵至邸
 第湘出迎適檐瓦墜地謂本兵必有問已瓦解矣本兵
 錯愕不之信謂所問劉六劉七之變果以此刻沒於江
 治郡時囚越獄布算決去向無一得脫者家居行途中
 見袁巍方六七齡自蒙館抱書歸識其不凡即下輿抱
 至以女許字焉著有石府元機幽堂寶照皇極元機洞
 林秘髓靈樞秘要等書府志參舊志
 章文斗府志作光斗字月鹿工古文詞以歲薦授浙江定海
 丞著定海三賦謝徵收常例卻視艦餽金嘗分修維揚

志有鏡古叢奇臆見心銘諸刻舊志

劉希文號翼齋博涉羣書隨手評隲橐幾充棟或有叩
 以故實者輒具本末旁引曲撫聽者忘倦後司鐸長洲

士心歸之府志參舊志

陳應詔號次山嘉靖三十四年進士知浙江桐鄉縣士
 民德之升南京工部主事視權蕪關人多其廉平為人
 弱不勝衣而才思溢湧下筆數千言立就為諸生時下
 帷攻苦焚膏嘗徹夜一夕嘔血數升母聞止其讀藏膏
 讀如故以是成羸疾致仕時積俸與諸兄弟共之不析
 爨以傷友愛舊志

李存文字應魁嘉靖四十四年進士改庶吉士館試讀
臣鑒詩詞林傳誦授吏科給事中升工科右都給事上
講學勤政一疏識者躉之外補楚藩參議未幾引疾歸

府志參
舊志

袁杉字子才生而穎慧十二歲爲郡諸生臺試每冠多
士時稱維揚八俊杉居其一知同安縣寬平得大體以
他事忤監司罷歸牢騷不平於詩文中屢寓意焉杉子
世科孫懋貞三世並舉孝廉懋貞起家開封郡丞擢南
康守所至有聲終雲南副使

舊志

林曜字見城工制舉業以舉人官開封丞升刑部郎因
請立儲謫廣西驛丞致仕歸日與後進論文疊疊不倦

舊志

朱成恕字惟一幼孤且貧事母至孝長應童子試不售
輒棄去闡明理學慕心齋王氏因號如齋遊於四方從
學日衆東林前輩爭聘以爲上客晚年遯跡荒村易簣
日猶講學不倦著有就正臆記十卷配祀心齋祠

舊志

陳王度字二式萬厯乙卯副榜爲諸生時試輒高等課
兩弟學有成性慷慨喜周人急親族貧乏者賴之歿年
五十七里人公議入祀鄉賢

舊志參
家傳

曹文魁字鳳樓績學砥行素履端嚴人皆奉爲師表萬

麻間以明經薦廷試高等授長洲訓導升礪山教諭

舊志

王堯字堯山號大章善文章工吟咏九試棘闈三中副

榜四方從游者極盛同里陳厚耀杜光先皆門下士也

舊志

劉有光字韞石拔貢生萬麻甲午順天舉人高才博學

負大名不拘拘細行李三才開府秦州時為人構陷遂

出亡而歿士林惜之

舊志

徐文炳字明臺廩生性孝友事親竭力奉甘旨兩弟欲

析居卽相抱而泣涉獵經史嗜學不倦天啟四年與修

州志著有洞酌集

舊志

沈晉陽字康侯別號孱提道人萬麻時郡諸生少孤友

於兄弟性恬淡早年棄舉子業布衣蔬食者三十餘載

好爲詩文多所著撰家貧未能付梓其治清水潭議當

事多採用之舉鄉飲賓不赴卒年八十有五著采山堂

集十卷孫默

卽龍翔

國朝領鄉薦遴成進士有傳

舊志參舊

志稿

舊志彙錄周山甫字陽岡李嘉賓字鹿鳴杜維屏字

殿公童希舜字蟬孫方苞字白英宋催字廣生夏光

夔沈復曾字大復俱無傳附此

國朝鄧漢儀字孝威號舊山博洽通敏尤工於詩與太倉

吳偉業主盟風雅者數十年康熙十八年舉博學宏詞
 以年老授中書舍人與修揚州府志江南通志皆以其
 言為論定詩主清和嘗云孤桐片玉自有天律清也朱
 絃疏越一唱三嘆和也今之為詩者望車塵乞冷炙有
 市心焉其詩以俗氣應之如商女貲高不復能唱渭城
 也競錐刀飾竿牘有爭心焉其詩以沴氣應之猶心在
 捕蟬殺氣著於絃上也故詩必無流辟無噍殺漻漻乎
 其音溫溫乎其德庶幾詩人之清和可以語溫柔敦厚
 之教歟卒年七十有三著有編年詩各體文若干卷詩
 餘一卷又輯近代人之詩為詩觀四集中有應禁之人

奉

旨抽燬行世

府志參舊志稿
淮海英靈集

黃九河字天濤監生住姜堰鎮以詩名京師家居建閣
 適杜濬至因名之日杜來又築秋嘉館集名流唱和遺
 稿多散佚鄧漢儀詩觀沈德潛別裁集俱載其詩弟九
 洛官黃巖縣丞以廉能稱

采訪錄

官偉鏐字紫陽明崇正十六年進士官翰林院檢討

國朝兩以薦舉起用援終養例乞歸於小西湖遺址築春

兩草堂閉門著書康熙十二年州志係其手訂著有春

兩草堂集五十卷以子夢仁貴贈如其官

舊志參淮
海英靈集

文苑

陳志紀字雁羣年十二能文十六應童子試學使陳昌言拔其文許為廊廟才時其父凝祉見仕績已歷顯宦志紀謂官署非讀書地請於父不隨行自構五籍樓於城西讀書其上會萃儒先四書精語纂輯成編又選三蘇之警策者細加評注名曰拔尤梓以行世中順治十六年進士改清書庶吉士十八年會試分校得士二十三人皆一時名雋是年升編修

聖祖御極

恩遇有加會以京畿旱應

詔上疏遂被逮謫戍寧古塔卒於戍所年四十有八

舊志參家傳

王孫駢字率軒軀幹瓌偉刻意治經尤深於左氏春秋

為文絕去恒徑詩宗陶潛順治十七年舉人任北流縣

知縣卒於官

舊志

吳崇先字式武順治十八年由歲貢生考授宏文院中

書母艱服闋補秘書院旋歸康熙九年大水告災例免

條鞭而不免漕崇先暨沈喬生等叩巡撫疏題並免此

後遂為例著有經濟鴻書志遠堂新編桂籍軒詩

舊志案

府志入篤行

張琴字桐峯號耐軒事繼母以孝聞十七遭父喪適輪

充河所里長時差徭煩重河所尤甚蓋花戶以船為家

漂泊無定惟責成里長又徵麻膠皮羽菱蒲本色自解部寺奏銷是以一充里長卽至破家琴由此家道中落晝則趨辦徭役夜則坐誦經史寒暑不輟順治七年冬學使李大收十屬琴於冰雪中立奏五藝拔置超等明年再輪里長極陳河所偏累之苦巡撫咨題准改麻膠折色入人丁正欵一例官解河所之困始蘇中康熙十二年進士授內閣中書需次里門精研理學著淮黃交會開濬海口諸議及麻法兵刑樂律漕運鹽法馬政備荒屯田諸篇當事采擇用之輒效別有涉園集耐軒

詩集若干卷

舊志

陸舜字元升號吳州康熙三年進士官刑曹多所全活有以枉論死者獄已定舜力陳其事當從輕比兩司寇反覆按驗果得末減視學浙江端士習正文體所拔多寒峻知名之士每試士必自制一藝爲諸生式兩浙文風爲之一振會閩中寇逼與浙脣齒浙督興師援勦以溫處兵事屬舜舜蒞行伍訓練指麾刻期並進浙人歎服謂神於文者復神於兵也旋以疾歸家居二十載十八年舉博學鴻辭不就著有雙虹堂集

舊志稿
參府志

王孫驂字受軒年十三爲諸生試輒高等讀書天慶觀乃其父相說舊墅也規模先業抗志功名以舉人授宜

黃縣知縣鄉試分校得士最多舊志

王孫驥字雲孫祖三正由貢生任上元校官學者奉為楷模稱夏侯先生驥承父相宜庭訓品致端雅為文清真蘊藉不矜才氣而百家騰躍終莫之及康熙辛酉舉於鄉闈藝出膾炙人口五應禮部試不遇選鹽城教諭訓士論文人皆悅服卒於官喪歸士子送抵其家者數十人孫鍾岳餼於庠能世其業舊志參舊志稿

俞澂字錦泉號音隱以廩生膺歲薦候選中書著有流香閣詩詞舊志

俞梅字師嚴一字太羹十歲能文日成十藝年十一為郡諸生康熙四十二年進士改庶吉士旋丁內艱歸

仁廟南巡

召見其父中書澂

溫綸嘉獎

御書者年貽穀扁賜之又

特命梅充維揚詩局纂修官升編修分校康熙字典一統志分

韻唐詩政治典訓諸書五十二年典試山西不避嫌怨從棘闈飛章奏減官卷正額三名取額外五經民卷補之晉闈稱得士李徽孫嘉淦皆出其門故人子雲間張忠震困長安甫十餘歲梅育而教之及冠為娶婦歸里

後成進士吳中李生軾軻與張等亦招致與張同學後
 官翰林如臯鄭某官部曹時託轉貸千金未幾鄭物故
 梅臨其喪出金贖券焚之卒年五十著有雲斤詩集治
 河方畧孔子家語訂正歷朝詩雅白陸詩選藏於家子
 燾能世其業舊志

楊淮字桐山性謹慤博學善屬文少時與兄濬齊名康
 熙四十一年舉人屢試春官不第文行日益純粹卒京
 邸弟進士濂奉其柩歸葬里人傷之子士標諸生舊志

宮鴻口字樛麓一字友鹿號恕堂偉鏐子工詩文康熙
 四十一年考授教習四十四年

仁廟南巡

時巡觀河省耕詩四十首

上覽詩指其名謂侍臣曰此老學也

賜金帛

命在南薰殿纂修方輿路程四十五年成進士改庶吉士授編
 修移武英殿纂修

御選唐詩注五十一年充會試同考官著有棣園集舊雨園集

恕堂詩七卷又瀛海策畧四卷皆有關兵農銓選治河

鹽法諸要政商邱宋犖梓其詩江左十五子詩選中年

六十三卒於家

舊志參舊志稿

陳厚耀字泗源康熙四十五年進士安溪李光地薦厚

耀通律法引

見

上命試以算法繪三角形令求中綫及間弧背尺寸厚耀具劄
進稱

旨旋請省親歸四十七年

特命來京明年五月

駕幸熱河厚耀扈行至密雲

命寫筆算式進呈少頃出

御書筆算問知此法否厚耀對曰

皇上此法精妙極爲簡便臣法臆擬不可用

上諭云朕將教汝汝其細心貫想以待朕問次日又問曰汝能
測北極出地高下否對曰若將儀器測景長短用檢八
綫表可得高度此在春秋二分所測則然若餘節氣又
有加減之異然亦不準何也臣聞地上有朦氣之差以
人目視之有升卑爲高映小爲大之異故以渾儀測之
多不合但在天度數則不差也又問地周三百六十度
依周尺每度二百五十里今尺二百里地周幾何地徑
幾何對曰依周尺地周九萬里今尺七萬二千里以圍
三徑一推之地徑二萬四千里以密率推之當得地徑
二萬二千九百一十八里有奇

上又問地圖出何書對以周髀算經曾言之問何以見其圓也對曰職方外紀西人言繞地過一周四匝皆生齒所居故知其爲圓且東西測景有時差南北測星有地差皆與圓形相合故益知其爲圓時厚耀以母老不忍離就教職得蘇州未踰年

召入南書房

命與梅穀成並修書於蒙養齋

賜算法原本算法纂要同文算指嘉量算指幾何原本周易折中字典西洋儀器金扇松花石硯及瓜果等克什甚多書成

持授翰林院編修五十三年丁內艱

賜帑銀命江南織造經紀其喪服除晉國子監司業尋擢左諭德兼翰林院修撰五十八年充會試同考官明年引疾以原官致仕所著有孔子家語注左傳分類禮記分類春秋戰國異辭十七史正譌及天文算法諸書又春秋長術十卷乃左傳分類中一門爲補杜預長術而作其凡有四一日律證備引漢晉隋唐宋元諸史志及宋戴埴律書諸說以證推步之異又引春秋屬辭杜預論日月差謬一條爲注疏所無大衍律議春秋律考一條亦唐志所未錄尤足以資考證二日古術古以十九年爲

一章一章之首推合周律正月朔且冬至前列算法後以春秋十二公紀年橫列為四章縱列十二公積而成表以求律元三日律編舉春秋二百四十二年一一推其朔閏及月之大小而以經傳干支為證佐皆述杜預之說而考辨之四日律存以古術推隱公元年正月庚戌朔杜預長術則為辛巳朔乃古術所推之上年十二月朔謂元年之前失一閏以經傳干支排次知之厚耀則謂如預之說元年至七年中書日者雖多不失而與二年八月之庚辰三年十二月之庚戌四年二月之戊申又不能合且隱公三年二月己巳朔日食亦皆失之

蓋隱公元年以前非失一閏乃多一閏因退一月就之定隱公元年正月為庚辰朔較長術實退兩月推至僖公五年止以下朔閏一一與杜術相符故不復續載焉卒年七十五子傳華郡諸生舊志參阮元疇人傳宮懋諒字翊元貢生康熙四十四年

御試高等

召對乾清宮

賜御書孝經砥石松花硯天馬裘派直

武英殿纂修佩文韻府授鉅鹿教諭四十七年中順天舉人奉

旨仍入內廷辦事書成議叙補主事以疾歸卒年四十五舊志

仲蜀巖字天池為文力追先正康熙五十年舉人候選

內閣中書著有餘力集舊志

宮夢熊字宗熹康熙四十二年武進士充

御前侍衛以應制詩文稱

旨改授刑部福建司郎中舊志

宮昌宗字武承號毅菴偉鏐次子順治辛酉拔貢舊志
作歲

貢授宏文院中書舍人

特賜九成宮字帖奉差頒

詔楚豫兩省戊申舉博學鴻辭因疾未赴著有九雲書院集舊志

參宮氏族譜

陳志襄字陶思號南村性至孝倡建宗祠置祀田荒歲

賑饑全活甚眾手著詩最三篇倪永清集多載之尤究

心諸史輯評綱鑑一百十五卷名曰綱鑑會通巡撫張

伯行為之序以行世復有淡定齋集謙忍居集舊志稿
參續志

稿

宮鴻營字東表號易菴偉鏐子少穎異年十三為諸生

比長以目疾絕意進取肆力於詩著有涉園集閒好軒

口吟六卷舊志

朱士模字庭三號蓉樵海陵七子言志編士模尤膾炙

人口著有蓉樵文集及解經評史若干卷

舊志

袁爾職字肩山幼喪父母事祖母以孝聞康熙四十年

仁廟南巡獻河工頌並紀

恩詩八章

上嘉納之著有招雲閣集

舊志

王鴻藻字彤颺號目山康熙二十六年以廩貢生

廷試第一考授教習會有言官建短喪之論者奉

旨下其議於成均命諸生於

午門各抒所見以對鴻藻疏曰三年之制訂自武周斷自

孔孟萬世莫易旋以外艱歸著有鷗吟集六卷

舊志

沈龍翔

原名

字興之號讓齋康熙五十二年順天中式

與弟遴讀書芝圃中時有二沈之目嘗與修州志有志

中不能悉載者乃家刻一書曰發幽錄又嘗修崇明縣

志著有清芬堂集二十卷桴客卮言一卷

續志稿

戴皇恩字浩如諸生十六試不售究心文史至老弗懈

年八十三卒著有禮記正詮詩經指南樊川草堂詩集

舊志

宮翼宸字參兩官光祿寺丞以母老乞歸著有紅椒山

房詩八卷楓亭詩鈔八卷子增祐孫協華並見選舉

府志

程盛修字風沂家貧篤學祖母吳每寒夜促之就寢已

復然鐙讀雍正八年成進士改庶吉士授翰林院編修擢御史乾隆四年進詠史樂府奉

上諭輪進經史講義之御史程盛修所進詠史樂府十二章指

事寓規詞意婉摯得獻納之意與泛論經史者不同甚

屬可嘉着賞內用緞二疋筆墨二種以示嘉獎旋視漕

通州晉順天府府尹以終養歸晚年自訂所著詩稿爲

夕陽書屋初編四卷而冠所進樂章於首又次其歸養

後諸詩爲南陔松菊集一卷卒年八十五

續志稿參淮海英靈集

仲鼎龍字雲門博通經史雍正元年順天中式同榜柏

謙汪由敦輩俱推重之出其門者多掇巍科年六十六

沈成渭字南谷號午橋姿稟穎異善屬文年未冠游京

師陳太僕兆崙栢編修謙卽以國士器之乾隆乙卯成

進士官徽州府教授凡十年整躬訓士其論文務以經

術爲重尤精於易一時世家子弟游其門者多掇科第

奉部檄選授縣令陽湖洪亮吉致書勸行乃笑曰吾計

已決肯夜行不休耶遂不赴歸里後獎掖後進俟助故

交鄉人稱之年八十一終著有聽泉書屋詩文集八卷

采訪錄

繆承鈞號善夫早著文譽肄業郡城安定書院時主講

吳祭酒錫麒器其文拔置上舍自是名益噪巨室爭延

致之久困場屋晚年家居課子屢空晏如也年七十二終著有寒翠軒詩集

采訪錄

李祺字晉堂號青岩性恬易工文辭早歲以學行稱於鄉諸弟皆躬教之先後入州庠州之知名士出其門者甚眾自食餼後屢應省試不獲售乾隆甲午庚子臨揭曉以額滿見遺士林莫不惜之著有松蔭堂詩文鈔

錄

采訪

儲步雲號湘舫篤行誼以能文稱乾隆嘉慶年胡劉莫萬四學使俱刻其文試牘中屢薦不售著有晚香詩集

采訪錄

陸進字宿凡號漱石海安鎮人僑寓如臯與姜恭壽冒春榮輩友善名噪甚教授生徒如江大銳江大健皆出其門所刻詩古文詞流播莪林子鎮鈞鑄俱列膠庠

縣志

如臯

程選青字綠野盛修子乾隆十八年順天中式諸前輩咸器之年五十赴禮部試歿於淮安途次子應佐嘉慶丁卯解元著有願學編

續志稿

俞埴字容萬號蘅臯編修梅之孫乾隆乙酉舉人舒城教諭父燾有文名早世埴為諸生時畱心經濟凡邊防水利田賦刑名之載在典籍者罔不賅覽乾隆十六年

高廟南巡恭獻詩賦兼進治河方畧並圖說二十六卷

特恩賜貂皮二張緞一疋大荷包一對一時公卿爭異目視之

八應禮部試不售得校官遂自京師歸專事著述歷數

寒暑至於指僵腕痛又渡江遭風因得怔忡疾辭不赴

官性醇粹與弟篤友愛事孀姊甚謹二十一年歲祲有

江都某以斷炊告贈之金為其從子所攫埽偵知親往

如前數與之而不言其故人稱長者赴都時屏當貲斧

纔得六十金有吳某猝患妻喪貧無以斂即以辦裝錢

之半為其構櫨學宮傾圯捐緡倡修其他振貧乏助婚

葬焚券契事不勝述年七十二卒錢唐袁枚為之傳著

有類苑聯珠一百二十卷尚論管窺詩三千餘首編年

詩鈔十卷憶舊感秋吳陵竹枝詞各一卷古文騷賦百

二十篇

府志參家傳

侍朝字鷺川乾隆二十五年進士例選縣令不就後以

總校四庫全書授翰林院庶吉士工詩詞及駢散體文

詞尤擅場藝林稱之卒年四十有九桐城姚郎中鼎誌

其墓

府志

黃佐九字遙徵號西圃鑄曾孫

鑄見仕績

乾隆三十九年舉

人弟成煥早逝遺孤蕙友甫三歲撫教之與其子蘭友

同入庠五十三年蕙友舉於鄉其母陳旌表節孝皆

佐九之力也性清介歲薦饑雖至絕食不肯稱貸於人
嘉慶十三年截取知縣以老疾辭年七十五終著有易
經本義滙參增補周禮義疏家傳

沈光祖字繩之貢生善屬文屢困棘闈晚年銳意為詩
著有雙松閣詩稿子謙自有傳續志稿

田雲鶴字輪長號蓬壺居士沉酣書史工詩古文詞放
意山水嘗襍被覽武夷仙霞之勝著有金鏡集續志稿參淮海

英靈集

黃毓琪字鹿門貢生銳意窮經尤長於三禮足不下樓
者三十年學政李因培賞其文謂指陳利弊如指上螺

紋其博洽可見赴省試十七次未過年六十一采訪錄

翟宣字日三號應齋少好馳射中乾隆二年武舉人遂
棄其業刻意為詩與浙西胡裘錞興化鄭燮同里仲鶴

慶輩唱和五言九擅場著有樂清堂詩鈔續志稿

宮麟字秀機廩貢生肄業成均議叙訓導擅經學王侍
郎昶嘗延於京邸屬校讐所著經解若干卷凡有獻疑
皆得當著有五常圖說研耘詩賦偶吟二卷經說雜錄

八卷續志稿

周虹字天橋布衣工詩雄渾超拔出入高岑杜孟間著
有天橋初集四卷不休編一卷續志稿

劉芳字湘南歲貢生貧無家室讀書郡城安定書院閱數十年最爲諸先輩所器重至老不遇卒於齋舍同學張馨斂以歸又搜其遺稿梓之

續志稿

官爲坊字言可乾隆四十年舉人博學工詩文穿穴經義九深史漢之學後進多賴以成就一時如吳編修椿程解元應佐仲進士振履皆出其門屢試春官不遇授國子監學正銜著有史記質疑日耕居士詩鈔

采訪錄

吳伊訓字步尹歲貢生善屬文日成十數藝李宮保世傑知泰州時以神童目之人座後試輒冠軍游其門者日衆卒無嗣門人殞之刊其遺稿一卷

續志稿

沈成渭字南谷號午橋姿稟穎異善屬文年未冠游京師陳太僕兆崙栢編修謙卽以國士器之乾隆乙卯成進士官徽州府教授凡十年整躬訓士其論文務以經術爲重尤精於易一時世家子弟游其門者多掇科弟奉部文選授縣令陽湖洪亮吉致書勸行乃笑曰吾計已決肯夜行不休耶遂不赴歸里後獎掖後進飲助故交鄉人稱之年八十一終著有聽泉書屋詩文集八卷

采訪錄

繆承鈞號善夫早著文譽肄業郡城安定書院時主講吳祭酒錫麒器其文拔置上舍自是名益噪巨室爭延

致之久困場屋晚年家居課子屢空晏如也年七十二終著有寒翠軒詩集

采訪錄

李祺字晉堂號青岩性恬易工文辭早歲以學行稱於鄉諸弟皆躬教之先後入州庠州之知名士出其門者甚衆自食餼後屢應省試不獲售乾隆甲午庚子臨揭曉以額滿見遺士林莫不惜之著有松蔭堂詩文鈔

采訪錄

儲步雲號湘舫篤行誼以能文稱乾隆嘉慶年胡劉莫萬四學使俱刻其文試牘中屢薦不售著有晚香詩集

采訪錄

潘世求號作人乾隆五十三年舉人讀書崇實行生徒甚衆官和州學正訓士有方以病歸卒於家

采訪錄

陳燮字理堂嘉慶二年舉人少負雋才綜覽典籍學政謝墉亟賞之既游京師聲華籍甚畢尚書沅督陝時延爲上客梓其詩吳會英才集中晚年官邳州學止以修江寧府志歿於旅次著有憶園詩鈔

采訪錄參吳會英才集

朱晉字唐封歲貢生天資穎異讀書過目輒不忘爲文沈博絕麗教授生徒多所成就邑中推爲經師之冠

采訪錄

蔣斌字佐展號左宜廩生湛深經術尤精左氏學遊其

門者多掇巍科年五十八采訪錄

葛維煦字鶴汀乾隆年拔貢生官蒙城教諭訓士多所

成就著有師儉堂文集詩賦雜著稿采訪錄

仲振奎字春龍號雲澗監生工詩法少陵為文精深浩

瀚出入三蘇平生著作無體一不有而稿多散佚所存惟

紅豆村樵詩草若干卷采訪錄

俞國鑑字玉衡號澄夫幼負異稟年十三為諸生肄業

郡城安定書院運使曾煥極器賞之刻其詩題襟集中

是時泰之能詩者首推陳燮國鑑年少於燮而詩名與

相頡頏旋之京師從士大夫游業益進嘉慶庚申舉順

天鄉試屢赴春闈不遇得校官選通州學正國鑑性至

孝以母老多病遂不赴官其兩兄俱諸生貧無家人產

國鑑為之揚美人以重國鑑故爭羅致焉平生重氣誼

疏賓異客託心如舊然獨以名義相取不好苟交工書

法二王初喜沈博絕麗之文後乃刊落無盈辭晚得心

疾所業頗拉燒之亦不復多作年五十二卒著有蕉月

山房集采訪錄

萬棨字薌林嘉慶丁卯舉人少孤力學運司曾煥契其

文刊入梅花書院課藝中後曾官湖北按察使棨往就

之病歿於旅舍曾哭而斂之續志稿

秦州志卷之二十五

人物篤行

宋陳護字元法六世同居百口無閒政和中詔旌其門
 廳事夾欄正門闕闕烏頭二柱表以綽楔左右建臺高
 一丈三尺建炎中兵燹不存節婦向氏於紹興九年貸
 金贖產陳有司丐修遺址州郡賞其義復榜建門閭舊志
 茅信卿四世同居每旦家長坐堂上卑幼各以序立拱
 手聽命分任其事畢則復命其有怠惰者輒鞭辱之卒
 無怨言州郡上其事表曰四世孝義之門舊志

元顧仲庸侗儻好義與保定張文友交契張為岷縣尹

秩滿僑居江陰一日暴卒仲庸在京聞之即走告當路者曰張文友未病願致仕因代入狀中書遂獲以嘉定知州致仕既領宣命又代文友之子告蔭乃得注晉陵尉其家實不知也仲庸南歸致奠賻奉宣敕授其子人

始驚歎

舊志

府志有俞思齊詳見事畧不復錄

明儲宏字仲文

府志作儲仲文

惇行孝弟讀書通大義嘗市鹽

遼陽載布數車值寇騎圍城雨雪浹旬饑凍道相屬宏坐逆旅門外探布散給衆商止之日商以求利若之何並其本棄之宏曰此何時尙問利耶中歲家寢落聞曝

於門拾遺金十數兩默置廁舍檐間及晡有一男子攜婦哭來問之日某夫婦解戍某地費不給祇一子賣而得金今晨過此失去將死道路矣詢其封識竝金幾何語悉符出歸之且察其有飢色予之粥遣之其人日吾無以報德逢人語君使君聞於人人而已後宏以壽終曾孫權官至吏部侍郎自有傳

舊志參名山藏

陳佐字子輔號西圃教諭祿

見仕績

子志行醇篤兩舉鄉

飲賓壽百歲撫按具聞特賜冠帶建有百歲坊第四子鳶字理卿號秋江以輸粟佐軍餉賜爵本州千戶遇凶歲以米粥賑饑民置義地瘞道殣不可勝計性濶達有

無賴子被酒詈於門子弟奴僕不能堪鳶不爲意第命童子擊鼓以亂之鄉人沈里袖金一囊來曰余生平辛苦儲有三百金今老矣子且幼思非公無可託者無令外人知也因受置櫝中數年沈歿攜金還之封識宛然鳶叔祖父通字添泰撫兄子相成進士年九十有五鳶次子字達泉萬厯間官廣西南寧府通判路經吉水修宗祠輯家譜並以敦行稱

舊志參家乘

劉昆字谷臣

府志作谷行

少時母暱之私以金悉紆曲給諸

兄之乏者亦不傷母意嘗拾遺金數百待遺者至還之凡有贖鍰未納羈獄者捐緡脫之尊經閣圯助葺之隆冬賑糜施棺櫝千計里中某官侍御與某相國有連勢橫甚垂涎昆所業市廛一區遣奴詣昆欲得之其二子請勿與昆持券畀奴竟不償值後某官家業波蕩而昆以爲善昌其後云

舊志

馬士權讓官于弟寓京師教授博極羣書善談論與學士先生游劉元博徐有貞輩疑必赴質有貞尤厚之天順元年石亨等引有貞爲南城之舉不久權勢相拉疑有貞文臣不時見上恐爲所閒遂構其事有貞旣降廣東參政猶慮其復起必欲殺之因造奏誹毀朝政多危語假給事中李秉彝名上之李時已丁艱去曹石以貌

類一人持奏入接本小監視其牘甚長言大人說何事
有許多文字其人不語監觀懸牌吏科給事中也奏入
召秉彝則亾之矣逮捕甚急校尉妄持一人入示小監
監曰非也昨肥而髯今瘠無鬚乃復大搜常熟張廷瑞
以寫作遊都下捕者視其貌惟肖且吳語也取以入加
掠亾狀後逮彝至不承竟以拷訊死亨等因言此徐有
貞怨望使所密泰州布衣馬士權及某官某吏共爲之
而滅其跡耳遣捕有貞于途收士權等及徐家屬下錦
衣衛獄掌衛都指揮門達陳諸酷刑於庭拷掠瀕死數
四馬尤毒虐馬曰今欲我三人何所承行刑官曰徐有

貞欲作逆與汝三人同謀先爲此以惑朝廷士權專建
計某某執筆作狀楊某書謄之士權大呼曰徐有貞欲
使今皇帝爲堯舜之君今百姓爲堯舜之民如此而已
不知其他刑官不能折獄竟不成乃命取誥券出示三
法刑部侍郎劉廣衡等劾奏有貞詐撰制文竊弄國柄
自以爲治水希蹤神禹敢以定策冒貪天功大不敬無
人臣禮宜戮市曹

案舊志云士權終無所言乃摘武功

伯誥券纘禹神功語出有貞自撰士

權大呼曰有貞忠臣豈有自撰誥券露

其逆謀之理耶門達不能折所錄小異

宥之編置雲南金齒爲民有貞出獄感士權許以女嫁
其子灑泣而別天順四年有貞自金齒歸蘇權自泰州

來謁欲成婚約有貞頗有難色士權曰貧儒不能當侯家女也有貞遂從其言而以微物贈之士權畧無怏怏意士權貌甚寢陋長不踰五尺云

國朝名士類苑引寓圃記並參舊志

官貴字大升號質庵其祖智達靜海人明初舉孝廉判真定府事歷判揚州署篆來泰遂家焉正德戊辰歲歉貴入粟千五百石授散秩丙子郡大饑道殣相望貴購地瘞埋之孫永建自有傳又正統七年歲歉捐粟旌為義民者六人雷信許禮劉懸陸敬游淮盧源源之孫盧澄於嘉靖閒出粟賑濟巡按黃扁其門

舊志參宮氏族譜

顧夢騏字德卿貢生御史廷對子聘知府王陳策女女病瘖騏完娶如禮偕老無閒言有司扁之騏由廣文至

江西定南縣令操守清約不事刻覈人俱稱其廉惠云

舊志

顧楷字仲表隆慶四年以賑粟給冠帶子四教四科亦

以孝友樂善稱

舊志

沈道輝工醫施藥濟人性孝友讓產於兄弟有司旌異

之

舊志

王虹字紀芳安豐場人良之父也性好施樂善不倦臺

使請於朝歲給粟帛九十三而終

舊志

王玉宏治閒八世同爨

府志本明史孝義傳

周鎬字子京遺產累千金悉以讓昆弟官至湖廣榮府
審理致仕歸閉戶讀書人罕得見子孫克世其家

舊志

陳應旂號文郊鳶之孫性慷慨重然諾喜施予貧乏多
待以舉火鄉里事難決者善爲剖析嚴寒有糜粥續絮
之施晚年授光祿署丞年九十有六

舊志

王之垣字得師廩生良之孫也娶陳氏病雙瞽欲爲置
妾之垣不可陳早歿已有子遂不復娶有司請于朝歲

給米帛

舊志

朱承芳字懷萱其先姑蘇人明初流寓泰州遂家焉承
芳輕財好施鄉鄰賴以舉火者數十家官廣東市舶吏

日子宗周官廣東理問以廉能稱宗周年九十有一

舊志

王應騏字鏡如貢生讓宅居兄弟又以已所置良田與
之友人有託以愛妾者同居數年未嘗一窺其面某遇
難以數百金寄藏厚有贈遺騏與所寄金封置一所事
悉還之年七十其弟應麟號真如以諸生隱居通地

理醫術爲人端謹年八十二應騏子礪品自有傳

舊志

黃軫字希烈居姜堰鎮歲饑輸粟有司獎之長子呈祐
性孝友善事後母置義田樂施助四子呈理修譜建祠

于祠內設家塾延師課族子弟呈理子鏞舉于鄉

舊志

田狩龍字鍾宇號遜庵居秦潼鎮置義田義倉設家塾

子姓多所造就年八十著有遜庵詩集及良知說等篇
子三顯吉成進士官嶧縣令曾孫廣渾自有傳舊志

張廷宋號見東諸生工文章屢試不售其兄以事註誤
有司欲加之刑廷宋匍匐請代遂得釋生徒百計有貧

不能具修脯者進而教之資館穀焉啟禎時與儲璜等

修州志年七十五著有南軒竹畦等集孫曾俱領鄉薦

舊志

丁士毅字堅素性友愛撫兄子如己子歲施衣施棺拯

孤絕有司舉鄉飲賓舊志

薛九隸居三塘里性孝友撫二弟為之婚娶以所置產

給之處鄉黨多所周卹一夕有穿窬穴墻入贈之金勸

以改行終匿其姓名以子舜貴封如其官舊志

張兆麒字趾徵事祖母杜母仇盡孝養生平多陰德聞

人枉抑必解之以為快子琴成進士舊志

吳之諒字元亮監生其先自新安遷泰州同居五世百

口無閒言子家驥樂善好施值兵亂縱掠有過其門者

輒曰此善人家也相戒勿犯子崇先官中書之諒弟之

讓之讚俱有善士稱舊志

徐爾貞字介石由貢生授文華殿中書加禮部儀制司

主事崇禎時有奏免漕糧三分及海口扼險二疏士民

德之精醫著有醫匯書行世

舊志

周命新號明寰諸生居安豐場俗好訐訟命新志趣端方凡行有不正者必勸導之弟命時相友愛亦能讀書

好善云

舊志

潘昌類字龍濤貢生其先自蘇州遷泰世有善行昌類重然諾尚節義生平未嘗見疾言遽色遠方人曾有以數千金密寄者十數年後其人歿訪其子還之歲凶出粟賑饑埋道殣子孫俱列黌序

舊志

吳廷彥號際泰諸生講學數十年踐履純篤崇禎庚辰大旱出麥糲粥兩舉鄉飲賓年八十有一 國朝順

治年祀鄉賢

州案

舊志不載今據州案增入又案舊志鄉賢祠所錄名氏作吳際泰今從州案

張某忠節公伯鯨之父貧甚與甥貿易學宮前拾遺金千兩甥欲剖分張不可俟三日無人問者甥又欲分張仍不可越六日有江西木客哭而來叩得實還之甥慍甚與張析業是夜夢神告曰此事已奏上帝賜貴子大門閭逾年生忠節公

府志

案府志入江都舊志既以伯鯨爲泰州人今見忠節故并其父錄之

喬登泰崇禎十四年亢旱出大小麥賑饑有司獎之又

金萬業顧教二人皆捐施賑濟者舊志參府志

程悌字進之號小邨住海安鎮性篤厚屢捐粟賑饑有

賊入悌室悌覺之贈以金勸令為善遣之去又嘗於道

中拾遺金坐待失金者至如數以還采訪錄據天啓十場志

趙禮字信夫住丁溪場幼聘同里孟氏女因病瞽辭婚

父以語禮禮不可既娶生子文十一人子玉後為水軍

萬戶鄉里咸稱趙長者云

案舊志藝文有王元吉趙長者詩并序據以增入詩

不錄

李大光號煥寰監生住海安鎮鎮隣於海故多盜大光

捐腴田二百畝設法緝禁案府志附見國朝李克猷傳後采訪錄云大光萬厯時

人今從之

舊志有陳王模宋漢麟儲瑛張應瑞蕭允第弋世爵

六人無事實今刪

國朝朱淑熹字艾人順治辛卯舉人揀選知縣其先自姑

蘇遷秦世有善行淑熹端方孝友事孀嫂如母里中貧

乏不能給者厚卹之歲荒出穀數千石助賑年八十終

子光岱等俱列仕籍舊志

朱志熹字望鹿號德亭貢生積學力行凡濂洛關閩之

書無不研究康熙庚戌河堤潰決田禾盡沒丙辰尤甚

已未復旱蝗饑民載道志熹捐貲糴穀為里中倡設局

賑卹全活甚眾又建育嬰堂於安家橋置義冢於孔家

莊修復大通橋重建覺正寺始終樂善不倦祀鄉賢

參續志稿

陳王猷字爾吉鳶之曾孫也性好施戚友稱貸無吝色

舉鄉飲賓年九十有三弟王烈字賡明讀書九里溝嘗

具棺掩浮屍焉

舊志參陳氏家乘

孫雲鵬字上扶武舉人家近濟川橋時橋久圯壞行人

苦之雲鵬首議捐修輦石鳩工親董其役後有官自禮

張仁定修葺州城橋道雲鵬倡之

舊志

宮偉銓字紫銘性樸厚與物無忤尤惜字見片楮遺地

必拂拭焚之窰磁之碎者有偏旁字體輒以小鐵椎敲

取聚而沈之於江以子夢熊官封中憲大夫

舊志

繆嶽字珍所以孝稱鄉里先是秦州代鳳陽輸米歲以

為常百姓苦之加以連年旱災而鳳米之追呼愈急明

崇禎十一年嶽以布衣伏闕上疏極陳鳳米之害兼以

歲歉請蠲賑疏下部議時州人徐燿為給事中力言於

部具如所言覆奏允行秦州鳳米全與豁免而高寶諸

邑所代者亦得援此例次第蠲除竝遣官分賑皆嶽之

力也後以孫肇祺曾孫沅貴贈如其官

舊志案府志附孝友末

張世爵字從修號荆石副貢生少穎悟博覽工爲文中年絕意場屋凡所教授皆爲知名士性耿介其同歲韓文懿焚屢書通意終不往見值歲祲捐米賑粥全活甚衆倡修學宮除三十六家保正里人德之子符驥自有傳

舊志

王孫驃字季超諸生性孝友篤交誼其友崔之四官雲南歿於軍驃臨其喪於漢水南又護其幼孤不墮仇人手從兄孫驄被逮其母黃以金珠屬驃令爲營救踰年奉兄歸出金珠還之時驛站已裁民間猶輸馬草爲胥吏所虐驃爲懇諸官盡革其弊嘗於土中得古石鼎愛玩不置臨歿時命其子晉原以奉文廟至今存焉

舊志

易東字田授副貢生其父維時於明季薦博學鴻詞不就東恬裕有父風能以名節自厲順治初以優行舉同時諸生繆肇敏字虎公敦孝友端品誼學使者舉優行有司扁表之

舊志

仲國能字振華號健天先賢仲子六十二世孫其先從宋高宗南渡遂家於泰焉世業農至國能始讀書尙節義有徽人鬻木於泰素與國能善聞其鄉被兵倉皇歸持貲若干金屬曰我閱八多矣惟君足信密寄君所秋

杉當復來後不至無何有同歸者來問之則死於道矣
乃持金往廉得其子還之封識死然其家欲以半酬笑
曰分其半何如據其全乎吾不忍欺死友也後子孫克
以文章世其家

舊志

沈之恂號退庵諸士性耽學經書手鈔益帙連不得志
於有司乃專意課子以撫再從兄弟之子皆使成立鄉
里推重之有不平事輒就焉子二龍翔領鄉薦遜成進
士嗣侍吳之雋字吉人持身清謹母歿過哀訓子以古

法以諸生終

舊志

徐瑞璽字輯章諸生姊早寡無子養之終身嘗過真州

于旅舍牀下獲金一橐有人倉皇跡至詢得其實卽還

之遇棄妻者每力勸多完人伉儷焉

舊志

徐六璽字紫章諸生事繼母以孝聞有孀姑貧而無子
迎養四十歲殯葬從厚捐貲修育嬰堂躬董其役里人

稱之

舊志

朱兆乾字健庵諸生慷慨喜施親族中婚喪不給者悉
周之修學宮葺胡安定祠以及賑荒歲育遺嬰凡有義
舉無不樂助焉

舊志

陳夢兆字隆隱鴻臚寺序班住海安鎮性寬和化家人
以禮當明季兵燹後遺骸暴露夢兆親行田野隨地瘞

埋之修葺學宮歲饑助賑有司舉鄉飲賓

舊志

徐日明字南麓侍養父母晨昏不少懈昆弟不事生業

屢分貲給之課子姪列庠序者凡二十有七人其生平

焚責券還遺金助葬埋賑糜粥事不勝述云

舊志

仲伯篋字斗聯號坦齋國能次子幼孤事母呂五十年

如一日他事憂忿見母輒怡然改容性端凝少宿邨舍

有鄰婦潛奔寢所厲聲叱之明夕徙寢生平接物至誠

見統絢子則避之晚年嗜邵子詩文自顏其齋曰師堯

子三鼎龍領鄉薦

舊志參府志

余維璿字玉衡監生其先歛人流寓安豐場璿篤孝友

所手置產分居時惟弟所擇又請疏運鹽河竊河賑五

場及為育嬰堂久遠計皆足稱焉

舊志

吳應裕字涵卿年十三刲臂治母病又善事繼母父亡

畜兩幼弟所置千金產盡以讓弟渡江見七尸漂泊買

棺葬之有揚州友人許某負鹽課千金亡去妻子繫獄

裕代為完逋因得釋其後子孫以功名起家

舊志案府志附孝友

末

周鼎字定九諸生當王孫驃除馬蠹時羣惡恃有黨援

勢甚猖獗驃所約稍稍散去能不畏疆禦與驃始終其

事者惟鼎一人驃臨終以赤藤杖為別曰我兩人扶持

桑梓如此杖矣其生平善畫梅云舊志

王相吉字為憲監生有故人歿多所逋負相吉往撫棺痛哭聚券焚之其子泣謝相吉日我自安我心也何以

謝為舊志

童希聖字仰之康熙二十三年水災徵賦不給恭逢

仁廟南巡希聖赴江寧於十一月一日在雨花臺伏地上疏侍

衛鞭之

詔止勿鞭取疏親閱

命行在部傳諭秦州百姓

皇上已經親知道桃源宿遷山陽高寶興秦七邑水災因苦自

有區處爾等回去希聖隨復入都繪圖以進得奉

恩旨將災糧盡作版荒田地至二十九年方報涸開徵前後共

免銀米下年希聖旨死陳奏鄉人賴之舊志

陳家振字超宗監生康熙丙子水荒出粟助賑里有貧

乏及婚葬不克舉者厚卹之又朱朝覲字寧國遇凶歲

亦出貲周濟焉舊志

陳芄字繼郁監生居黃單莊世母周寡事之如母外大

父戴浩如暮年無依迎養三十年斂葬皆從厚下河罹

水患盡散儲蓄村中多待以舉火者嘗在天長道中買

女為婢女別母哀甚芄問故泣曰父繫獄甘賣身以贖

耳茨惻然歸女不取其直夜過樊汭盜至見茨端坐詢
姓氏曰此長者不可害也舊志

陳綏祉字斯來監生幼穎異博覽羣籍屢試弗售事親
以孝聞歲饑助賑以及焚券施藥里人稱焉年六十有

八陳氏家乘

周篤慶字心友諸生工醫施藥濟人有罹禍者至傾家
相助曾以治河策謁靳文襄皆見施行子之然成進士

舊志

俞允瑄字宣人姿性純粹著有明德篇致知論臨歿訓
其子曰讀聖賢書講理學功夫不可作章句儒也子維

楠以文行為鄉人推重云舊志

林元鼎字鉉吉待人以誠好周濟賑粥施糶七十猶
好善不倦子蕃領鄉薦舊志

吳銓字公衡感庶母王守節事之如母兩弟分析後時
以己產益之倡建育嬰堂荒年罄所蓄以周里黨焚逋

券千數百金總督于獎以扁額子二湘濤湘字岳生能
體父志其師貧老告父迎養焉父命回原籍埽墓兼收

麥時值亢旱湘以數百石散之親族父嘉之年二十二
死濤具孝友傳湘子邦柱字石臣諸生幼孤事母孝其

姊適卞氏早亡遺一子一女家中落母隱憂之柱因迎

育於家并立分書給甥以家產母大慰中年喪妻不再娶購冢地葬原籍人客死者嘗買一婢詢其先人爲本

衛所官立歸之不取其直僕人朱李曾割股救親及柱

病又割股人謂恩義所感云邦柱纂有關異彙鈔舊志案府

志人孝友

沈自明字開之值大水海溢濱海之民露立不能炊人

多飢餓自明每晨買胡餅數千枚煮茶數石親往散給

凡兩月餘賴以存活者甚衆總督于扁獎之望諸

生克繼父志舊志

陳晉吉字錫蕃諸生嫡母病割股愈之鄰人有女鬻某

氏爲婢數載音息不通其母病日夜悲傷思一見女吉

慨然赴某氏告以情出貲贖之以歸其母舊志

周尚文字聖從幼失父母其從父母撫之及長廬親墓

三年事從父母養葬盡力中表有夫婦偕亡者遺子女

各一貧無所歸尚文撫養甚至爲畢婚嫁曉醫術多以

藥餌施貧乏焉舊志

戴露號拙叟父歿有庶母弟尚幼撫之成立遺產盡與

之又撫從弟三人俱父死母嫁者舊志

劉九臯字鶴亭明末州人避亂欲徙者衆九臯卜於神

謂寇不至衆賴以安鄰人吳某將有遠行再拜寄以貲

臯爲晝夜防護及歸取還緘題如故康熙時於鎮江旅榻拾橐金畱宿以待遺者還之始行好吟詠著有焚餘

草子孫竝列庠序

舊志

唐繼靖字聲遠諸生幼喪父事母以孝聞修文廟復學

田靖之力居多焉

舊志

朱銘球字函一諸生剝股救母時揚屬考棚移駐真州

銘球倡議請復駐泰鳩貲重修試院其後諸生劉亮議

建試院瓦棚能善其事云

舊志

宮白禮字殿臣以千餘金修造城北迎春橋關帝廟城

隍廟傾圮復完葺之先後有楊錦創建魁星閣益生紀

友義修州治街道萬士正捐修州城外大街錢允萬修

州治迎春橋王志寬修濟川橋寶帶橋其子天兆等修

大街監生張仁定修州城內外通衢又修城隍廟前廳

五楹

舊志

韓穉字公魏事母盡孝教弟敏力學成名養外弟之不

能自食者二十餘年餘貲輒分濟貧乏生平忠厚樸誠

鄉里稱長者

續志

吳宗光字亦裕撫兄弟子如己子姻戚有孤幼俱撫之

成立

續志

徐宗毅字建章諸生性純篤每教人以文行竝勵遊其

門者無不束修自愛一時重其師範

舊志

周露字季友諸生樸誠不與人校每代人償逋以是家

屢空又有還遺金事云

舊志

張顯字思石忠厚好施康熙十一年饑發粟千石以賑

貧乏

舊志

舊志有宋賡南王家望陳志球徐授璽曹振彬田士

龍曹寅孝許以誠嚴士良江可容范常王家楚徐驄

唐日宣十四人均無事實今刪

俞應龍字奉溪敦孝友樂施予獎掖孤寒成科名者甚

衆以子鈺鐸貴

封中憲大夫祀鄉賢

續志稿

陳采字碧兼號白初貢生嘗以河防數十事上河帥泰

有不毛田千八百餘頃額銀千四百餘兩米千七百石

業戶每歲無一粒之入而輸納如常稅采具呈本州通

詳各上司卒得免又置贍族田數十畝捐貲修考棚子

端官刑部員外郎

府志

陳遇劾字茂公族兄廉父子相繼亾遺孤孫時夏生甫

逾月族人窺其家財將不利時夏遇劾維持保護與其

舅氏陸無忌懇諸官患方息撫時夏成名

府志

朱璐字式玉諸生五歲而孤長篤行誼有戚某罹罪遣

戍璐貨產以資行子妻居母喪哀毀過禮竭家貲爲其

兄償逋鄰有子不類密以金屬雯鄰死無知者雯私爲
權子母臨終召鄰子反復勸諭盡舉以歸之府志

吳儒度字復翁貢生品學端粹與兄儒清見仕續門講心性

士望歸之有因事謝以千金者卻弗受工書學董文敏

兼精天文推步法年八十有二而終續志稿

劉之澇字竹其康熙辛卯舉人父歿以母老不應禮部

試者十年建普濟堂置下棋莊田爲族人冢地戊子客

江寧同鄉薛某寄篋金猝遇火持薛金出已物灰燼不

顧也又貸陳晉文金晉文客死訪其孫償之晚年講心

性之學子育杰育棨成進士著有左傳意祀鄧賢續志稿

王晉原字雪樵雍正癸卯解元學田舊多侵占晉原與

俞驄乘劉景淵沈子廸唐聲遠等力復之八年舉孝廉

方正不就續志稿

姜日祥字祥甫康熙時州城內外南北街道遇積雨泥

淖難行日祥倡捐縶石起彩衣街訖小關口凡十年而

工告成孫維祺領鄉薦續志稿

李廷芳字芳臣貢生篤孝友族中孤苦者教養之每冬

施粥施棺雍正十年建普濟堂二十四間兼董其事凡

病者延醫選藥躬自點檢存活甚衆巡撫高扁旌之續志稿

陸經陸綸住海安鎮兄弟以孝聞建宗祠設家塾捐草田七十五畝贍親族之貧乏者又捐一百八十畝為學田五十畝助普濟育嬰兩堂舉孝廉方正不就雍正十一年祀孝友

續志稿

陳位望字膏露貢生捐銀二千金及崔母鎮田一百七畝助普濟育嬰兩堂每逢鄉試年分租入為卷燭之費申詳藩司卷存學署

續志稿

潘志原字允平諸生康熙庚戌丙辰大水溺者具棺葬之生者周以衣食己未旱集饑民濬河優給薪米復置義塚於城北朱家莊年八十有四曾元孫俱領鄉薦

續志

稿

徐謨字倬雲諸生雍正十年捐貲倡建普濟育嬰兩堂規畫盡善里人劉之澇紀其事

續志稿

高翊字敬思號素軒貢生事母盡孝謁選得黥縣令已赴官念母春秋高忽心動慨然曰古人不以三公易一日吾何為者遂乞養歸生平篤行誼遇族黨中婚嫁喪葬事厚為周卹乾隆癸酉乙巳捐賑壬子捐修學宮年八十有四

續志稿

黃先疇字敘九廩生事母孝撫孤姪入庠將遷葬其先人形家謂塋地不利於次房疇曰為利吾家吾一身何

廬焉阮葬三子相繼歿疇處之泰然

府志

王聯字鷺亭廩生與甘泉沈鳴謙爲性命交乾隆庚子沈鄉試江甯病喉欲歸聯送之沈歿於路輿人欲去聯涕泣相留殯之丹徒某寺中計其家他日或有以此事問者聯曰我無之也嘗買一僮僮每泣詢之曰我安慶人思父母耳聯爲求得其親族歸之

府志

李克猷字靖颺住雙河村村南三里地瀕河漭蕩無人迹舊爲盜藪自知州周鼎鑑建屋四十間募民居之行人恃以無恐名其地爲周公鋪久之屋廢險僻如初乾隆五十年歲饑往來益警克猷偕其姪琪慨然變田產

建屋八十餘間造橋梁治道路招姻族子弟讀書習射其中旣厚其族姓而行旅遂不爲畏途至今鄉人置宅貿易儼然成市焉

府志

朱謙服號白村諸生住白米鎮性友愛爲其兄償逋數千金少與侍朝同筆研給以膏火朝後官京師有書招之謝不往著玉笥山房集

續志稿

王三祝字堯年官南宮縣縣丞值大疫獄囚多死三祝具藥餌善治之多全活者權順義縣事化悍民不復犯法邑有老疾嬰孩捐俸設留養局民無失所遇歉歲奉檄查災親稽戶口罔有遺漏旋以母憂歸遂不復出乾

隆三十三年歲大饑三祝具麥一舟行至姜堰鎮飢民見而譁曰王善人至矣盡散給之捐千金贍族修南北街又建姜堰二石橋孫曾列膠庠掇科第人以爲積善之報云

續志稿參采訪錄

儲昕字曉亭諸生少孤事母孝租入所餘歲以濟族中不給者有姑三人皆貧迎歸衣食之急朋友之難跣足走百里營救不使其人知學者以爲古君子

府志

韓繼勳住三塘母死貧無以歛倉卒得遺金十兩俄遺者至則賣女以葬親者繼勳曰暴人之親以歛吾親非義也以不義之金殯吾親非孝也還之逾時母蘇後十

二年始歿

府志

陳以智監生住港口鎮乾隆二十一年大疫死者無算以智購義冢地並施構櫛知州勒石獎之子育璉嘉慶

丙寅丁卯水災捐銀助賑

續志稿

王茂公字日長住海安鎮事父以孝聞每有餘貲卽施衣棺濟貧者臨歿以所置膳產屬其子曰歲收不得私用悉以爲贍貧之費若遇凶年卽以入官助賑嘉慶十年水災其曾孫鶴齡等捐銀五千兩卽遺產所畜也藩司康基田旌以扁額並爲文勒石獎之知州王勸有茂公賑饑文鶴齡號仙巢與西寺僧若水建立延生堂以

養孤寡老疾有主善人之稱

續志稿參
王氏支譜

程師旦字天樞每嚴冬私周鄉里窶人數十年無知者
乾隆四十二年助修學宮以年老命子章董其事竝謂
章曰考棚坐具日朽惜吾已老汝當告同學新之章於
嘉慶時卒成父志焉

續志
稿

陳文炯字秉德監生乾隆壬子修學宮炯董其役捐修
殿前石臺嘉慶己未復捐修戟門五間東西齋十二間
續志
稿

王宗佩字西亭監生少孤事母孝歲荒雨雪饑凍不能
出戶者以餅餌徧給之助理葬掩遺骼倡修淨因西來

等寺年八十五歲

續志
稿

程旭字宗嶽監生住海安鎮捐腴田二百二十三畝建
明道書院於海安西門內凡屋二十一間未歲事而死
其妻徐氏成之乾隆乙卯火子熙瑞重葺姪禧復捐田
五十畝為優獎資

續志
稿

譚獻琛字貢荆監生嘉慶初邑屢遭火倡建水倉水龍
市河淤塞協力挑濬連年水災倡捐煮賑並施藥施棺
以濟貧乏

續志
稿

高獻可字辰箴貢生官柳州府通判剔漕弊除戶差省
民役上司重之歸里後好義樂施嘉慶甲子水災捐賑

八百金年七十五

續志稿

陳纘字聞墀號玉峰住海安鎮由貢生授寧國訓導海安東門外有青龍牖俗名徐家壩為串場河來源年久就傾纘慨然請於當事捐貲重修事垂成為隣縣所阻不果行人咸惜之著有天香書屋文集

續志稿

王朝武字袞章監生山東大饑有易子女而食者朝武買之歸及長配為夫婦族弟歿養其妻終身夏秋租入多分濟貧族除夕懷金出金盡始歸其他修橋梁施藥頗多善舉云

續志稿

李祖遐字林表號霽堂住海安鎮少孤事孀母以孝聞

鎮之新河久淤捐疏疏濬井設恤嫠所歲給嫠婦數百入歲荒助賑施棺置救火具商賈苦徵落地稅請之官勒石永禁修甃橋及城隍廟學使者扁獎之

續志稿

韓大鵬住海安鎮嘉慶乙丑水災大鵬赴城倡捐煮賑復於本鎮施米及棺木修葺鳳山書院與六里港石橋丙寅水涸同李祖遐等濬治海安下壩新舊官河以通水道臨歿命其子免各佃逋租百八十餘石總督鐵知府伊先後扁獎之

續志稿

高榮軾字岱瞻候選通判加職運同鳳翥

見仕績子性孝

銀米助賑歷修學宮文昌閣胡公書院凡道路橋梁有
損壞者輒爲修治置水龍遠近遇火雖隆冬深夜必躬
督人往救每臘月知鄉中多貧乏者周卹尤厚平時送
藥餌施棺槨閱數十年不衰督藩先後獎以扁額清節
堂善舉榮軾捐銀千兩已上道光六年題請建坊旌表
州案參
續志稿

徐進階號星平住海安鎮建宋三賢祠及都天樓易西
楹橋以石行人便之倡恤嫠會存活寡婦於親族尤加

任卹焉

采訪錄

夏震字春舟幼孤事孀母孝乾隆六十年重
明倫堂

及浴沂亭震董其事經畫盡善嘉慶甲戌旱災倡捐助

賑家不豐於財見親族中貧乏者必周助之好爲詩與

邑中能詩者結芸香社晚年尤嗜學輯膾炙集十五卷

丹徒王豫江蘇詩徵中載其詩年七十終著有寄園詩

二卷

采訪錄

黃壯字修暇武舉人性慷慨喜周人急嘉慶乙丑丙寅

水災倡捐助賑州牧獎之

采訪錄

錢中懷字素亭諸生有文譽嘉慶乙丑丙寅水災倡捐

賑濟凡善舉多所贊成里人稱焉

采訪錄

葛楹字于門醇謹篤孝友有外戚兄弟爭產將構訟以

重金賂楮左袒楮却金責以大義遂感悟式好如初友人某密寄三百金及友亡還其子無德色晚年隱居西馮莊嗜學不倦著有貽孫堂文集其孫肇基家東臺遂

古籍焉宋訪錄

王瑞槐字嘉五縣丞三福次子性孝友髫年見父失足力扶掖之遂得跛疾長德好施凡施衣施藥施棺諸善舉樂行不倦嘉慶乙丑丙寅水災捐金助賑有司扁獎之每歲除夕散錢贍貧乏必躬親之風雪不避鄉里稱焉以子世履階 贈朝議大夫宋訪錄

劉文煥監生捐貲助普濟育嬰兩堂並董其事州牧李

獎以扁額子嘉穀諸生慷慨趨義有宿逋千五百餘金臨歿命其子盞檢各券出手焚之戒盞曰淑身之法安貧讀書而已嘉穀妻吳氏亦好施每歲積鍼裕所蓄於除夕遣人給貧乏者宋訪錄

繆之澍字雨亭監生性孝友處族黨以恩待友朋以義晚年呼幼子于菊出千金券焚之宋訪錄

朱沂幼聘儲氏女未婚女亡沂終身不娶兄早世撫其孤入庠宋訪錄

姜鳳階字桐軒諸生工詩古文詞生平勇於赴義修學官浚市河歉歲賑饑皆董其事不辭勞瘁年七十九而

終錄

葛宗密字逸庵諸生施藥餌棺木數十年又設義學二

所子孫多列庠序

采訪錄

黃承吉字得讓住大埭莊事母孝處昆季相友愛乾隆

乙巳歲大饑首捐助賑復於其鄉設粥廠雖嚴寒必躬

赴散給里人感之

采訪錄

錢蓉號香濬乾隆己亥舉人本房師為睢寧令袁秉義

後袁知泰州蓉未嘗干謁師門一與公事人以是稱之

采訪錄

陳鑽字德淵乾隆元年施普濟堂屋十二間次年捐建

胡公書院齋房十六間水旱之年設粥廠藥局活者甚

衆年七十有二

采訪錄

高垂藻號絢堂候選縣丞父病衣不解帶者數月事長

姊如母兄弟間友愛更篤有友人某將白金三千兩見

垂藻涕泣言曰吾年已衰邁妻弱子幼君所知也此金

畱寘君所他日稍稍存問使妻子勿凍餒足矣垂藻不

獲已畱之友既歿俟其子長成乃召而還之金知交逋

負貧不能償者悉焚其券年六十二

采訪錄

陳怡字如堂號晴樓諸生篤友愛兄歿撫其二子一女

成立葺先祠修家乘宗族交稱之工書能文壽七十

采訪錄

錄

張日旺字斗山監生析居時讓良產於昆季二十喪偶
終身不再娶訓子成立有妹守節貧不能上達為之請

旌州治濟川橋為南北衝要嘉慶初橋圯日旺倡修

任其事捐貲千金橋成州牧欲勒石志美力辭而罷葺
理育嬰堂全活者眾尤好施予多所周郵嘉慶乙丑水

災助賑藩司扁獎之

採訪錄

曹忠殷字良儒監生住姜堰鎮其父曰元誠樸好施為

鄉里所稱忠殷承父志中年家業裕以周濟為念凡施

衣施粥施棺贍親胡郵孤寡置義冢設藥局以及修輿

梁建廟宇諸舉行之數十年不少懈嘉慶乙丑水災饑

民集永豐橋勢洶洶見忠殷至歡呼曰曹善人來吾輩
可無憂矣遂相率去於是忠殷首捐五百金助賑民賴

以安丙寅水災亦如之藩司旌以扁額年八十有一而

終

採訪錄

丁遐秩住姜堰鎮嘉慶乙丑水災捐賑州牧扁獎之

採訪錄

錄

黃瑤芝住姜堰鎮家貧業醫值歲歉於道旁得十干文

錢據一紙乃隣邑某鬻子身價也明日持往歸之其人

泣謝而去

採訪錄

邵世鎧仇銷盧梁俱睦生生曲塘鎮世鎧捐建梁莊寺
橋銷施錢家樓義冢地嘉慶十年捐資助賑梁捐修橋

梁寺觀

采訪錄

黃龍文住姜堰鎮家中費性好施予值風雪之野見
有夫婦僵臥橋下無完襦急歸謀諸妻丁氏丁慟然曰
食易耳顧安所得衣既而曰予釵可質也於是質釵易
衣贈之晚年家稍裕每冬必施衣施粥以濟貧乏焉

家傳

朱甘澍字霖望諸生醇慤敦行誼延師家塾凡族鄰中
子弟皆使就學貧乏有種貸者每焚其券里人德之

家傳

王開極字啓咸住朱翟莊倡修心志祠建青墩石橋施

寒衣置義棺好行其德焉青墩橋工甚費其弟步初襄

成之

采訪錄

夏九臯號松鶴性孝友嘉慶乙丑丙寅水災捐穀數百

石助賑

采訪錄

泰州志卷之二十六

人物隱逸

宋王伯起字興公海陵人父綸爲太常博士伯起當以恩得官讓其弟舉進士不中歎曰士不自重與千百人旅進坐軒廡下獻小藝規合有司可恥也與其冒恥而得祿宜貧賤而肆志焉於是閉門靜處踰三十年鄉人多不識面善詩歌名著東南部使者薦諸朝不起仁宗英宗兩賜粟帛如臯王覲誌其墓曰先生不有其道而道信於朋友不尸其名而名聞於朝廷與夫懷印曳綬乘肥衣輕自以爲得意而死之日民無稱焉者異矣

舊志

參府志

卞大亨字嘉甫泰州人由鄉舉入太學升舍有聲靖康中攜二子走行在宰相范宗尹以遺逸薦調懷遠縣簿紹興中隱居象山之錢唐村手植萬松行吟其間自號松隱居士好讀左氏傳及史記杜少陵詩素習養生導引術醫藥占算尤極其妙解衣推食賑恤飢寒手製藥餌惠利甚溥子園字子車亦有聲太學號卞夫子紹興三十年策授揚州府倅著有松隱集二十卷尙書類數一百卷傳信方一百卷

府志浙江通志

舊志不載

堯允恭字克遜景定咸淳兩領鄉薦宋亡專意經傳尤

邃於易深得性命之理自號觀物老人元江浙行省兩

檄充濂溪東川書院山長皆不赴安貧樂善學者多游

其門著有觀物老人集二十卷德安堂方書一百卷

舊志

府志入儒

林今仍舊志

明王好問字爾裕承清白吏後家徒壁立性耽文史於書無所不窺咸手自過錄旁涉陰陽卜筮之書解青烏術占數尤驗或勸之就試不應平生足不至官府里中

稱為次山翁云

舊志府志不載

吳纘姬字璣灘安豐場人其先以戌籍家登州纘姬舉崇禎庚午鄉試先是纘姬曾祖國相嘉靖丁未進士官

南京戶部欲回籍不果及山左亂纘姬挾弓矢持稍護
二親出重圍遂歸泰州流離奉親不缺甘旨之養親歿
嘉邈不仕甘老邱閭人咸高之

舊志

季來之字人來世居安豐場少敏悟就童子試一日成
數藝提學韋宗孔器重之時宮繼蘭爲孝廉奇其文延
至家課其子偉鏐崇禎壬午師弟同舉於鄉性狷介尤
篤於天倫嘗爲六要箴訓子弟晚歲潛心理學一夕夢
王良與其講論遂署其室曰誠心堂素能飲痛父以酒
邁病遂斷飲隱於仇湖終身不出臨歿有自訣詩人多

誦之

東臺志參舊志
府志不載

案舊志入文苑今依東臺志改入隱逸東臺志以吳
纘姬入明代以來之人 國朝案纘姬來之俱係崇
禎時舉人今依舊志入明代

張一儕字爾弼工詩古文崇禎時與俞鐸張幼學陸舜
爲曲江社過無錫慨然慕顧高二君子之爲人鼎革後
隱居以終子世爵康熙壬子副貢生孫符驤有傳

續志稿

舊志有儲宏陳鳶劉昆宮永建四人永建改入孝友
儲陳劉改入篤行

國朝黃雲字仙裳號舊樵世居姜堰鎮早孤事母郁至孝

幼受知於州牧

舊志府志俱
作太守誤

陳素素被枉破家雲不避

險難與之同游汝寧竭力周旋人以爲難康熙癸亥與
修省志晚年愈貧苦屢辭聘召益肆力於詩歌東南持
風雅者必宗焉時而曬網號漁人時而海舶稱估客最
後不儒不墨自號樵青年八十二而終著有樵青集桐
引樓集悠然堂稿子二陽生泰來並工詩

府志參舊志
舊志入儒

林今依府志
改入隱逸

吳嘉紀字賓賢號野人家安豐場之東陶其先世竈戶
也幼負異姿成童時習舉子業操觚立就無何輒棄去
曰男兒自有成名事奚必青紫爲自是專力於詩歷三
十年絕口不譚仕進蓬門蒿徑樂以忘飢其爲詩工爲

嚴冷危苦之詞所撰今樂府尤悽急幽奧皆變通陳迹
自爲一家近代巖棲之作鮮有過之者久之聲聞海內
鉅公名流咸樂與交周亮工王士正官揚郡馳使三百
里強致之爲刻其詩以行同時諸詩家如孫豹人郝羽
吉輩亦爭相推重性篤孝友重氣誼授經里門時以所
得修脯資其兄自食不能給二鬴恬然安之歎人程琳
死揚州東陶王丹死虎墩皆無後嘉紀爲經理其喪葬
年六十八卒著有陋軒詩六卷時東陶有戴勝徵者字
岳子愛游白嶽以舟載其石歸因號石桴與嘉紀同歌
嘯於寒蘆野水間其詩清冷古淡甚於嘉紀著有石桴

詩鈔二卷

新舊府志東臺志參舊志志入名賢所載甚畧今詳錄焉

案舊

王言論字鴻寶諸生世居安豐與同里吳嘉紀沈聃開

友善稱為三逸隱於樊村以詩歌自娛著有棘人草

東臺

志本泰州志

案舊志不載未知東臺志所據何本今增入

朱樹字儕尹號春江貢生家貧授徒以詩酒自娛例選

學官不就有隱君子風年八十有九

續志稿

崔士偉字樹駿諸生性高曠喜山水嘗偕其妻為西湖

之游歸築別墅於南村曰蓉水山莊招致名流賦詩飲

酒其中里人舉鄉飲賓却之年八十有五

舊志

人物藝術

明程贊字易三住海安鎮工山水運筆高渾名載吳陵

畫譜中 采訪錄

程通字子邈號山居住海安鎮工書終日不釋筆亦不

喜贈人每掘隙地瘞之與程贊齊名 采訪錄

柳敬亭者名逢春本姓曹住曹家莊年十五獷悍無賴

李三才開府泰州緝地方惡人有司以逢春應乃走挾

稗官一册妄以意抵掌於盱眙市久之過江指柳為姓

游吳越金陵所至與豪長者相結自稱其技得之雲間

儒者莫後光教以養氣定詞審音辨物以為揣摩使聞

者歡哈噁噓進而毛髮盡悚舌橋然不能下又進而目

之所視手之所倚足之所跂言未發而哀樂具乎其前
聽者儻然若有見恤然若有亾也會宜南左良玉與皖
將軍杜宏域不協宏域念非生莫解乃進之良玉良玉
知其辨欲觀其能帳下用長刀遮客引就席皆震懼失
次逢春索酒談諧啁笑旁若無人左大驚恨相見晚居
數日左沈吟不樂熟視生日揣我何念日得母以亾卒
入皖而杜將軍不法治之乎左曰然日非君侯命杜將
軍不敢專請一騎馳入杜軍斬數人乃定時幕府多儒
生爲文檄不中窾會柳故不知書口畫便宜輒合左痛
起卒伍不知母姓柳曰不聞天子賜姓事乎左大喜立

具奏左有愛將陳秀犯罪必死柳請觀奇物玩好左出
所畫已像一關隴破賊圖又指其一曰良玉天下健兒
功成後將入山圖內有負瓢笠者秀也柳佯不省左語
之且告以罪柳曰若負恩當死願君侯以親信卽入山
且令自從殺之此圖爲不全左領之左與阮大鍼隙柳
往說至南都朝貴皆傾動柳自安舊節起居故人無所
改聞板磯築城頓足曰此示西備疑必起矣果如其慮
初左授以鎮銜又令署武昌縣俱不受左沒朝士欲官
之非其意也所獲千金散盡貧困意氣自如日向在盱
眙市上夜寒藉束藁臥扉屨踵决行雨雪中今雖落魄

尚足爲生有吾技在何憂貧乎乃復往來吳中嘗爲人

說宦南時事其技益進府志采吳
偉業撰傳

韓士文號伴松以醫濟人能詩著有休休樓集舊志

國朝張嶽字石樓幼學子工書尤善繪事遊京師得嶽片

紙者寶若珠璧以西征辦馬得官需次時有謁選者持

里中故交書求代保結同人疑之嶽獨曰故人數千里

相託豈有迂我哉遂從其請果以此事註誤落職嶽絕

不置意河督重其才奏留工次者十餘載及朝賢薦用

而嶽已歿人多以重金購其書畫焉舊志

沈嘉植字桓雙康熙十年拔貢生父傳曾工書法嘉植

能紹其傳晚年任清河教諭卒官舊志

鮑魯字東阜世業醫魯兼通內外推五運六氣之奧每

逆探歲氣以爲之備診視脈理隨虛實調劑之治十得

十遇貧者不取藥直雖珠珀之屬無所吝餘貲輒以周

親族年七十餘舊志

王而豫字天如其父孫駒受青烏術於隱者豫傳其學

兼通易理嘗爲從弟晉原葬母許以寅葬卯發其言竟

驗豫多子孫枚筮之曰長孫凝可讀書後爲諸生他事

亦多奇中云舊志

李穎字箕山能詩工篆籀尤擅山水在北苑大癡閒嘗

遊上谷雲中見峯巒奇峭畫益進諸賞鑿家爭寶之舊志

戴笠字雲笠號臙夫善蘭竹有東坡筆意喜吟詠書亦

蒼勁工小兒醫多所全活年九十餘舊志

王文工寫真與丹徒王禧海寧俞培吳江周杲輩齊名

國朝畫徵錄

唐志尹字相五住姜堰鎮工花卉翎毛所居構萬竹園

冒襄藍瑛輩嘗過訪之康熙初年八十餘弟志契字敷

五善山水能詩志契子日昌字希白得志尹傳時稱三

唐云已下據續志稿采訪錄

黃龍士住姜堰鎮工奕以國手稱

黃喬年字鳧仙工詩擅書畫年八十子植女櫓俱以書

畫名舊志

陳鑣號溉夫一號澹道人住海安鎮能詩工書畫畫松

與桐尤極其妙侍郎夢麟大谷山堂集中有澹道人秋

色梧桐歌甚稱許焉

周楨字蒼厓住海安鎮善青綠山水奇橫蕭疏兼有其

致李岱及僧清永師事之岱號柏堂工山水花卉岱弟

峯號石丈工墨梅

宮鳳舉號蓼溪編修鴻口子工詩善書畫規撫宋元人

粉本輒生動有諸生黃景雲者號竹田作蘭竹花鳥草

蟲絕工兼工書法

宋之極字瑞圖住港口鎮工人物花卉其弟子團時根字天農善繪水

徐采號神臯方松齡號野橋住海安鎮並工詩畫擅著色花卉采載吳陵畫譜中

張品邁字龍璧諸生工花卉翎毛嘗繪百蝶圖缺一偶游焦山見一蝶衣備八卦乃補足之

程儀字其羽號巢雲工書學董文敏陳伊旭號學顛諸生張興宗字嶷亭拔貢生真行俱得二王墨妙

陸祖禕號迂叟江淮字桐柏並住海安鎮禕善草書及擘窠字淮工小楷疊數幅校之一絲不走有解模者字筆榻亦以善書稱

李左民者善寫真相傳赴郡守之召行李入城有力者負之而去左民假紙筆於市默識其面目繪小像懸之城門衆曰此某也立訪之果獲

繆維字右川工山水子嵐得其父皴法嘗寫夏山烟靄圖真州方元鹿極賞之繆肇慶者號棠溪以芭蕉得名畫秋菘亦生氣拂拂從十指出

陸合字同春性孤傲習舉業不售遂棄去隱於奕羣推爲黃龍士後一人

李夢庚字星緯廩生書法宗趙文敏而能獨出機杼學使曹秀先稱賞之

徐彪字文虎住海安鎮能詩善寫真其弟路字步雲工書好吟詠有落梅詩一百首一時傳誦

陳策字文進監生少孤事母孝工醫多應手而愈者

宮製錦號石泉舉人官南寧縣知縣自少工書在都時貴家子弟多師事之雲南罷官歸復游京師名益重性寡諧士大夫招之往不合卽去所得金輒隨手散晚年多疾寓居康山索書者日盈其門遂歿於揚州

韓敬之初名均號治也舉人官上元教諭博通淵雅遊京師睿邸遇以殊禮工書學鍾王常題香海畫冊鐵侍郎保極稱賞之

徐沂字德澡號清溪世業醫至沂術尤精遇貧者輒助藥餌如臯大賈孫某欲以千金館之不赴通州有陳模者素與沂善其婦病招之往道至海安遇風覆舟援者止之不可乃假衣而行其風義類如此性友愛撫嗣子十餘人皆成立族黨閒多所周卹年八十二終有百圍能世其傳

泰州志卷之二十七

人物流寓

宋查道字湛然歙州休寧人祖文徽仕南唐至工部尙書父元方仕後主爲建州觀察判官太祖平金陵盧絳據歙州遣使傳檄至郡元方斬其使及絳擒太祖聞元方所爲優獎之拜殿中侍御史知泉州卒道幼沈寔不羣文徽特愛之年十六中南唐進士第奉母渡江居如臯宋時隸泰州以孝聞母病思鱖羹時方冬道泣禱於河鑿冰得鱖以進又刲臂血寫佛經母病尋愈後數年母卒絕意名宦游五臺將落髮爲僧一夕震雷破柱道坐其

下了無怖色寺僧異之咸勸以仕端拱初舉進士高第解褐館陶尉曹彬鎮徐州辟為從事改與元觀察推官

寇準薦其才授著作佐郎淳化中蜀寇叛命道通判遂

州至道二年有使兩川者得道公正清潔之狀以聞優

詔嘉獎遷秘書丞俄徙知果州

案順慶府本果州南充郡團練寶慶三年升府

隸劍南東路見宋史地理志宮偉鏐庭聞州世說作知泉州殊誤知泉州者道之父元方非道也

時寇

黨尚有伏巖谷依險為柵者其酋何彥忠集其徒二百

餘止西充之大木槽詔書招諭之未下咸請發兵殄之

道曰彼愚人也以懼罪欲延命須臾耳其黨豈無誑誤

耶遂微服單馬數僕不持尺刃聞關林壑百里許直趨

賊所初悉驚畏持滿外嚮道神色自若踞胡牀坐諭以

詔意或識之曰郡守也嘗聞其仁是寧害我者即相率

投兵羅拜號呼請罪道悉給券歸農驛奏璽書哀諭

庭

州世說云王均之亂賊至城下既而相語曰查果州以仁義撫此境得衆心未可攻也竟宵遁道追諭之於是散遣數千人皆還農畝案此事宋史及舊志皆不載查果州誤作查泉州今更正附錄焉

咸平四年代歸賜緋魚俄出知寧州會舉賢良方正之士李宗諤

以道名聞策入第四等拜左正言直史館出為西京轉

運副使六年拜工部員外郎充度支副使賜金紫道儒

雅迂緩治劇非所長遂以本官罷出知襄州大中祥符

堯年歸直史館遷刑部員外郎預修冊府元龜三年進

秩兵部爲龍圖閣待制加刑部郎中判吏部選事糾察
在京刑獄奉使契丹進右司郎中天禧元年以耳聵難
於對問表求外任得知虢州將行上御龍圖閣飲餞之
秋蝗爲災道不候報出官廩米賑之給州麥四千斛爲
種於民民賴以濟所全活萬餘人二年五月卒年六十
四真宗軫惜之詔其子奉禮郎循之

庭聞州世說
誤作隨之 乘傳

往治喪事遷大理評事道性淳厚有犯不較所至務寬
恕胥吏有過未嘗笞罰民訟逋負者或出已錢償之以
是頗不治嘗出按部路側有佳棗從者摘以獻道卽計
直挂錢於樹而去兒時嘗戲畫地爲大第曰此當分贍

孤遺及居京師家甚貧祿賜所得悉以施親族之惇獨
者與人交情分切至廢棄孤露者待之愈厚初赴舉親
族哀錢二萬遺之道出滑臺過父友呂翁家翁死貧無
以葬將鬻女道傾錢與之且爲其女擇壻別加貲遣又
故人卒貧甚質女婢於人道爲贖之嫁士族縉紳服其

履行

庭聞州世說云道未第時夜坐讀書忽窗外光彩
非恒於竹間見麟蹄金道曰天閔我貧而錫我耶

然取之無名亟掩之後從鸞輿祀汾陰上賜金如竹間
所棄者嘗游許蔡間夜宿村邸見皮囊絨甚密爲留一
日暮果有客泣而至道詢之客云昨抵此遺金釵四十
道以囊付之緘封如故客請分半道曰吾利此則挈以
趨矣何畱爲客拜謝而去案此二事宋
史及州志俱不載未知何據今附錄焉
好學嗜奕棊深
信內典平居多茹蔬或止一食默坐終日服玩極於卑

儉有集二十卷從兄陶字大鈞宋史鈞作均初事李煜以明

法登科補常州錄事參軍太祖時詔大理評事試律學

除本寺丞歷侍御史權判大理寺賜緋斷官仲禹錫訟

陶用法非當陶抗辨得雪案州志云與諫議大夫李符

正史遷工部郎中俄知台州案州志云除監察御史知南

累遷兵部咸平中遷秘書少監判寺事時楊億知審刑

陶屢攻其失又命代之賜金紫與道相友愛居進德坊

今州治西南有進德坊庭間州世說據南唐書文

離多貧困失職惟道兄弟盡力收恤聚食恒數十百人

亦分給之時其婚姻因是嘗苦貧而查氏至今為海陵

望族又州志載陶嫁故人女及還金釵事與道事相類

恐屬譌五茲不備書子拱之進士都官郎中慶之太子中舍宋史

府志因如臯非揚屬故不載宋史并無遷居如臯之

文舊志列陶於前案宋史云陶持法深刻用刑多失

中前後坐罰金百餘斤皆以失入無誤出者故依宋

史義附道之後而不復立傳

許元字子春宣州宣城人以父蔭補郊社齋郎東都事

俱作太廟齋徙居海陵調縣尉遷泰州軍事推官見墓

戍兵千人自海上亡歸州守聞變不知所為元叱左右

執其二三人曰惑眾者此爾餘何罪勞而遣之知丹陽

縣歲大旱元不待報決練湖水溉民田萬餘頃歲乃大豐稍遷太子中舍知如臯縣元為吏長於治財自元吳叛西兵久無功天下勞弊三司言其能以主權貨慶厯中江淮歲漕不給京師乏軍儲參知政事范仲淹謂元獨可辦乃擢江淮荆浙制置發運判官至則悉發瀕江州縣藏粟所在畱三月食遠近以次相補引千餘艘轉漕而西未幾京師足食朝廷以為任職就遷副使遂以尚書主客員外郎為使進金部特賜進士出身遷侍御史據宋史先是江淮歲漕京師常六百萬石其後十餘歲歲益不充至元為之歲必六百萬而常餘百萬以備非

常仁宗嘗謂執政曰發運使總六路之廣其財貨調用幣帛穀粟歲千百萬宜得其人而久任之擢天章閣待制再遷郎中在職十有三年乞守郡乃以知揚州越州又徙泰州至州未視事卒於家據墓誌年六十九所居有南園在州治南歐陽修為之記弟平字秉之以太廟齋郎選海寧縣主簿與元相友愛元父逃官司封員外郎亡後一子當得蔭兄弟相讓久之諸兄卒以讓元故許氏以孝謹稱鄉里云舊志參東都事畧宋史歐陽文忠公集

案宋史云元在江淮十三年以聚斂刻薄為能多聚珍奇賂遺權貴遷侍御史時欲與施昌言調發軍食

仁宗謂其誅求疲民下詔戒飭又欲專六路財賦收羨餘以媚三司與東都事畧不符茲所載多據歐陽文忠墓誌及許氏南園記稍參正史至元之徙秦州東都事畧宋史俱作秦州以墓誌證之其爲秦州無疑府志據史不入秦州秩官今從之而附識於此

周孟陽字春卿曾祖敬述成都人官秦州遂家焉寶元

中孟陽第進士

庭聞州世說云孟陽登仁宗景祐五年第案景祐無五年今從宋史爲潭

王宮教授諸王府記室英宗居環列禮重之會除知宗正寺辭表凡十八上皆孟陽爲文又從容陳古事以諷英宗悚然起拜及仁廟以英宗爲皇子愈堅臥不出孟

陽入見臥內勸之曰天子知太尉賢參以天人之助乃

發德音何爲堅拒如此英宗曰非敢徼福以避禍也孟

陽曰今已有此跡設固辭不拜使中人別有所奉遂得

燕安無患乎時中使趣召十輩又命宮長宗諤傾一宮

往請不能動及是意乃決帝卽位加直秘閣同知太常

禮院數引對訪以時務最後召至隆儒殿在邇英院中

羣臣未嘗至人疑且大用帝亦諭以不次進擢意孟陽

稱他人使代已乃遷集賢殿修撰同判太常寺兼侍讀

神宗初立入奏事方升殿帝望見慟哭左右皆泣下旣

上疏陳五事言好任耳目以私察中外窮詰奏對而或

加阻抑密有啓沃而宣露於人與夫祖宗之訓願無輕
 改土木之役願賜休息語極剴切拜天章閣待制卒年
 六十九詔特官其壻及孫二人除其家負官緡錢數萬
 孟陽恬於仕進自奉簡約有腴田數頃盡與弟姪其歿
 也無以為葬近臣以聞兩宮惻然加賜白金千兩子孫
 累舉進士著有易義一卷

宋史參舊志
 雍正府志

查道查陶許元周孟陽四人舊志俱入名賢案查道
 宋史但言休寧人許元兄弟並葬真州揚子縣見墓
 誌孟陽雖已入籍其曾祖知秦州為成都人今依蘇
 州府志載滕元發沈括諸人之例改入流寓至三家

遷秦並為望族當時有一學許查周之語然有宋一
 代查周登進士者二十九人許氏無聞焉惟紹興壬
 子禠有許叔微為真州人豈元之後耶不可考矣

許愈黟縣人從父居海陵為胡瑗所知愈事父以孝謹
 聞供給甘旨晝夜不怠與妻子共食麤糲供父則盡珍
 異父病篤澣濯必躬親之曰寄於家人之手吾恐厭怠
 也胡瑗為作孝子傳

舊志參府志 案府志作許
 俞入孝友今從舊志入流寓

曾孝序字逢原泉州晉江人以蔭補將作監主簿監秦
 州海安鹽倉因家焉累官環慶路經畧安撫使過闕與
 蔡京論講議司事曰天下之財貴於流通取民膏血以

聚京師恐非太平法京銜之時京方行結糴表糴之法
 盡括民財充數孝序上疏曰民力殫矣民為邦本一有
 逃移誰與守邦京益怒遣御史宋聖寵劾其私事鍛鍊
 無所得削籍竄嶺表遇赦量移永州京罷相授顯謨閣
 待制知潭州復以論徭事與吳居厚不合落職知袁州
 尋復職再知潭州道州徭人叛乘高恃險發毒矢下巨
 石官兵不得前於兩山間仆巨木以守孝序夜遣曉銳
 攀援而上以大兵繼進破平之進顯謨閣直學士遷龍
 圖閣直學士知青州高宗卽位累遷延康殿學士召赴
 行在青州民詣南都乞畱許之先是臨朐土兵趙晟聚

眾為亂孝序檄將王定率兵捕之失利為孝序所責因

煽敗卒作亂奪門入孝序據廳事嗔曰罵之遂與其子

宣教郎訔皆遇害年七十九贈光祿大夫謚威愍舊志作宣

愍子訔承議郎宋史參雍

正府志

孔璣字介老至聖四十九世孫淳熙四年第進士知江
 都縣清介自持時詔舉異才擢兵部員外郎未幾去任
 值金人入淮南北兵阻避亂秦州遂家焉後人卽所居
 之里名曰孔家堡諸生名印儒者其後也印儒為至聖

六十四世孫舊志府志不載

案舊志有梁昭明太子宋蔣之奇富弼韓駒王安石

宋應龍李庭芝姜才文天祥九人均非流寓今不載
應龍庭芝才三人入忠節天祥見事略其餘諸人並
見雜志

明劉亮吳郡人元末嘗仕於張士誠後以巨艦盡載所
藏書萬餘卷渡江客如臯主旨致中家謀獻其書未果
而卒致中爲收藏之永樂中取入中秘

舊志府志不載

練宣童字復全江西新淦人建文時兵部尙書子寧次
子當子寧抗節被戮時其長子成經同死宣童逃至泰
州梁塚場隱姓名以鐻保終其身子孫遂世爲泰州人

舊志參雍
正府志

案舊志載子寧季子仁善逃饒州女瓊瓊沒爲官奴
後赦回嫁陳用昌姪齊廉逃福建長樂縣萬厓中督
學朱某訪求遺裔得齊廉八世孫綺檄有司遣歸新
淦奉宗祀子孫蕃衍宣童流寓於泰歷今三百四十
年其裔孫嗣昌爲郡諸生陳其宗系源
流甚悉今附錄之以見忠臣之有後也

羅汝芳字惟德南城人客居海陵師事王良與從遊者
講心性之學埽除枝葉教人以體驗方寸嘉靖中成進
士知太和縣召諸生論學公事多決於講座官至雲南
參政所至有政聲學者稱爲近溪先生其後人有名光
秀字毓明者號百歲翁究心理學有還舟中遺金拒旅

邸奔女二事云

舊志參明史 案舊志入
儒林今依府志改入流寓

劉國柱字則鳴江西人游學四方最後來泰州適學使

者按試國柱與焉遂為州學生私淑王良講心性之學
著有易宗二卷及三通衷略四書學史私史諸書

東臺志本

十場

詹天爵孝陵衛世襲指揮使避亂居泰州其妻兄李日

榮官廣東副總兵以書招之往天爵不赴遂終於泰

舊志

一府志不載舊志入隱逸非是

郭化淳鹽城人僑寓海安三塘工書所書碑碣至今人

猶摹之

續志稿

何天玉曾金簡俱官部郎當代稱為儒者嘗講學於泰

之三塘李祐程泮輩皆從之遊

續志稿

舊志有句容張榜武進鄒忠蔭蔡鵬宜興王期昇興

化韓如愈及蔣煜白貽瑋諸人俱云曾館泰州案授

經與講學有異恐後此不勝其載今刪至十場鹽法

各志中如劉國柱已占籍為諸生例應增入其餘舊

志未采今已見東臺志者不復備錄

國朝許承欽字欽哉號漱雪漢陽人明崇禎丁丑進士知

溧陽縣遷戶部主事甲申後遊泰遂家焉所著有漱雪

集

舊志

舊志以承欽入明代非是案隱逸門所載吳纘姬季

來之俱終於本朝今錄人明代者昭其志也承欽

秦州志 卷之二十七
十
雖係明季官而遷秦已在 國初自應與呂潛並入
國朝今更正

呂潛字半隱四川遂寧人明兵部尚書大器子崇禎癸
未進士值蜀亂播遷四方澹於仕進後偕其弟澈僑居
秦州工詩文書畫人得其尺幅皆珍之嘗遊宮氏春雨
草堂與姜垓梁以樟倡酬極多傳爲盛事

舊志參
府志

韓昌口字季康本姓廉氏無錫人初遊粵西避兵至秦
遂家焉隱於醫所治多奇效工詩與合肥婁東諸家主
持風雅王文簡士正締交尤篤水繪園續同人集中載
其詩子敏自有傳

采訪
錄

程端德字午公號鼎庵休寧人由貢生授縣令以親老
不赴官 國初遷秦秦之士大夫聞其賢樂與訂交有
大事輒咨訪焉值水災捐貲助賑好爲詩以陶寫性靈
爲主子孫有登科甲入仕籍者

舊
志

吳澍字雨三號蒼銘休寧人入高郵籍復遷秦州由貢
生得官歷任晉黔楚三省所至有政聲擢汀州知府以
老乞歸助賑濟建公庵置義冢州人賢之壽八十有九
長子廷偉字端人官陝西同州知州升知府

仁廟時西藏有事廷偉從平逆將軍貝勒延信督運糧餉踰黃
河源抵烏思藏周行一萬三千餘里以功擢洮泯隴右

道督造哈密城調臨洮驛鹽道三攝臬篆以明允聞卒年七十九程盛修銘其墓廷偉之弟廷佩官刑部郎中

廷佩子文煌官川北道

舊志參續志稿

張芳字菊人句容人進士官縣令工詩古文康熙七年

奉母來秦州主監生張士顯家

舊志

劉芳洪字鍾洛宛平人兵部尚書餘祐子以父蔭官通

判康熙間僑居秦州其兄芳烈芳躅弟芳喆俱貴顯

舊志

俞珏字十穀由江都遷秦州之小紀有戚友蕭懋德者

為匪人誣訟於逆藩處索之急鄉人皆屏跡莫敢與蕭

通一語珏獨身維持之舟發與同起臥抵南省珏為慷

慨披陳道某挾私誣罔之故逆藩稱善欲官之以親老

辭

府志篤行傳

程瑄字孺房號華峯江都貢生其先自休寧遷江都至

瑄復遷秦子孫遂家焉瑄有文譽連不得志於有司有

勸以應京兆試者瑄曰得失命也曩庚午丙子予幾獲

雋尋以額滿見遺庸詎知北之獨愈於南乎卒不往平

生學務根柢究心閩洛於明儒獨契姚江謂傳習錄中

有發前人所未發者性和易無賢愚皆樂就之門弟子

多由科第致通顯年七十餘終孫盛修自有傳

舊志

何永倬字章雲儀徵人遷居秦州孝事後母敦友愛每

於庭前種夜合花鍊藥濟人著有景會錄子本思以本
買領雍正癸卯鄉薦本懿本懋竝為諸生

舊志

案舊志以本思入選舉誤

團鴻本名鴻雯字雲蔚儀徵人廩貢生遷居泰州博學
工詩文常遊京師公卿爭招致之著有滇黔遊草燕遊
草練光閣文集孫昇字冠霞號鶴斂康熙庚子本籍副
榜官廣文善教士年八十八終著有假年日錄畫山樓
詩十卷文四卷其弟子陳燮姜鳳喈拾其遺詩為一卷
昇子維墀號問山工詩姪維墉號蕉墩通經學由副榜
官廣文著有春秋衷一小畫山樓詩集

舊志參阮元
淮海英靈集

黃達字儀逋浙江山陰人往來真揚間居泰州最久隱
於酒得古玉壺自號玉壺山人酒酣縱筆數千百言揮
灑任意胸中磊落奇偉不羣之氣往往於詩發之稿多
散佚儀徵項緬刊其存者達後死於姑蘇其友人葬之
虎邱劍池旁題曰玉壺山人墓

舊志參府志 案舊志
稿云達葬於蘇之半塘

寺後園未
知孰是

何鐵一名金雨字龍若京江人僑居泰州少從檢討陳
維崧遊工詩善畫揚人稱之後死於葉縣

舊志

姚禔昉字恭士大理思孝之子寓泰州西園茅茨甕牖
詩酒怡情蓋能以節自高者

舊志 府
志不載

王雅字正子寧波人先世多顯達奉母避亂居揚州又遷泰州母席曉經史識大義躬自課子雅故博通羣籍工詩古文詞與吳江包咸善咸於康熙間為泰州校官雅來依以居焉後遊燕齊復至粵東遂卒於粵母猶居泰所著有閒居客遊詩稿舊志稿 舊志不載今增入

呂清字一齋新安人其先業鹽於泰州因家焉康熙中清為虹縣學官者十年以老乞歸不廢嘯詠嘗論鹽法積弊著太平善政一書欲上諸有司未果旋歿於蘇州又著有咫堂真源詩稿舊志稿 今增入

胡裘錚字則安號西垞錢塘人諸生工詩運使盧見曾

深歎服之客海陵最久暮年居如臯西場古樹園歿即

葬焉立石碣曰錢唐詩人胡西垞之墓著有西垞詩集

東臺志參續志稿

於震字亦川號秋水丹陽人久居泰州遂入籍少讀書目數行下工詩古文乾隆乙酉

南巡召試二等震好騎射性情豪邁時人以徐文長比之歿年

五十四子馨藏其遺稿淮海英靈集參續志稿

徐謙字玉山號酣齋蘇州人流寓泰州工詩續志稿

方粹然字心醇淳安人拔貢生黎如次子乾隆丙寅攜家至泰時崇明何忠相江陰蔡寅斗丹陽彭澤令俱主

宮氏春雨草堂載酒論文一時從遊者甚衆續志稿

方觀字仕莚於潛人其父樹程知泰州遂家焉觀通醫

術至曾孫國元凡四世皆能精其業為邑上醫續志稿

鍾璣字拙村宛平人其父靈官泰州州同歿後遂家焉

璣於乾隆甲午科中式本籍鄉試請改入秦籍主講胡

公書院十餘年選授安東教諭性醇樸不苟言笑士多

稱之天訪錄

府志以璣入秦州選舉案璣中式係在改籍之前今

與儀徵何本思並刪

徐步雲字蒸遠號禮華興化人年十七為諸生旋食餼

肄業郡城安定書院主講劉侍郎星焯及運使盧見曾

深器之拔置上舍乾隆壬午年

南巡召試一等

欽賜舉人授內閣中書甲申進軍機行走是冬丁父憂旋里服

除入都到甫五日尚需次時同歲趙文哲在軍機語及

盧以兩淮任內事被劾因盧已歸老德州相去不遠遂

致書於盧及盧籍沒為所註誤謫戍伊犁將軍舒文襄

赫德一見如平生畱掌印房凡奏稿及受土爾扈特降

一切文檄皆出其手又援救死刑從末減者數人謫滿

三年文襄保奏釋還癸巳文襄入相赴都修謫即奏

舉四庫館纂修充武英殿分校逾年復職迎母至都文襄館之別墅丙戌復以文襄子事落職遂絕意仕進奉母南歸值淮隄決邑被水乃移家泰州以母老不復遠游鹽政伊齡阿招之遇事多所咨畫欸分甚至嘗欲以鹺務中公產直三萬緡者為其母壽堅却之其子私請故曰爾何知吾兩去官皆以受師恩故今堂上年八十而受此大惠則以身許人矣卒不受母壽九十二終步雲博覽兼熟本朝掌故然下筆矜慎不欲馳騁文藻故所作不多暮年尤嗜學每覽一編必點勘異同加丹黃焉生平篤於臨書為因家人赴都託迂道至文襄

墓所具牲醴致祭年八十七時猶與其族孫修家譜往復手札數十通先後知州事者多後進及年家子造門請見終無一語及私宗黨告急咸厚助之至九十視聽不衰齒止脫其二年九十有二無疾卒著有爨餘詩文

鈔采訪錄

徐觀字鶴峰興化人寓泰州僧舍四十餘年性孤峭垢衣蓬首行吟市上工篆刻求者以金輒拒之飲以酒則欣然應年七十歿葬於州城西魯氏之原

采訪錄

程湄亭休寧人寓泰州五十餘年助修新安會館卹其鄉之老病無歸者人多稱之

采訪錄

人物釋道

唐法響海陵李氏子年十六出家住棲霞寺隋末還故里時縣有虎害響設齋召虎虎悉至弭伏不動響杖其脛與背自是絕迹唐初於濟川鎮南小孤山建寺以居涅槃後弟子造浮圖葬之名伏虎禪師祠禱雨輒應後山塾於江徒祠北岸至今歲旱縣人迎以禱雨舊志參府志明達本字無幻光孝寺僧與儲懽同時終日辨難不能屈有讚布袋佛一偈云無古無今雲滿頭大千世界一囊收自從唱破無生曲直到於今笑未休舊志文銘正德閒祝髮泰州東寺年六十六豫告涅槃日至

期作偈自吐火坐化

府志官偉繆庭聞州世說云安豐場一僧平時了不異人一日向

人求棺僧素善王良因詣良辭別示衆火化至期留偈云老僧今年六十六不分青紅與皂白今番脫卻這凡胎依舊靈山還舊屋良就而拜之疑此即謂文銘

方誌字觀如裴莊人幼出家於天竺之大講寺年三十訪五臺山遠清師師示以偈誌言下有省師又叩以妄可是從真起誌即作二偈有妄從真起本無因何須向外覓疏親又馬投龍泉化鱗甲四海無涯任往游之句師唯唯誌別去徧歷名山大暢宗旨有法華宗旨品節

偈等行世舊志

張裔緯字仲猷本州人事母孝儻負氣節思宗死社

稷裔緯故布衣聞之以頭搶地號慟不止會故王子起
兵海上壯士繆景先團鄉勇應募裔緯仗劍從之既鼎
革遂披薙人稱四和尚云舊志

國朝行修姓陳氏東鄉沙村人本農家子年三十一苦貧

欲赴水死已而祝髮爲僧操苦行數年朝普陀歸龕坐
南關外荒冢中嗣游揚州又年許歸移龕北關覺印寺
西偏亡何示大衆火化期至期沐浴禮佛敲魚念佛號
就龕坐昇至寺東不踰時火從龕內發魚聲不輟焚至
兩腕魚始下年三十七府志作三十六時康熙四年十一月朔
也平時但見蓬跣行市中遇僧俗人畜俱禮拜有銅板

僧照智者特與親厚臨化以衲衣付之又以念珠付北

斜橋僧國璽云

舊志參府志

舊志有玉環羅漢超項性明三人俱係游方僧事涉
裨官家言無可采取依府志削之

清永號詞門海安西寺僧工山水學王右丞其徒大略

雲瓢並能書畫

采訪錄

濟生姓張氏山東昌樂人雍正閒住雨聲寺寺建於唐
至濟生住持始開法焉前寺僧掘井不及泉濟生禮佛

泉爲之涌名之尊聖神泉

采訪錄

性慧字炳一號幻雲乾隆初自寶華來主光孝寺方丈

改禪宗爲律門廿一年得弟子圓能喜曰異日能了吾
事者必此人也圓能字西林一字墨庵晚號香雨道人
姓張氏興化人幼讀書通經義祝髮後來泰師慧年二
十七爲住持於時寺久傾圯能毅然興修未嘗募一輒
一石而施者雲集不十年告成於佛殿後建香雨樓添
設左右長廊又以宋寧宗所書碧雲二字爲方丈額案
宗在潛邸會書碧雲二大字以賜任持覺深事見陸游碑記師徒竝精戒律善詩畫
性慧著有幻雲詩鈔圓能著有香雨詩鈔各一卷采訪
已上釋

晉樂子長海陵人白日飛昇今樂真橋乃其遺跡當時

號爲樂真人云梁昭明太子至海陵以子長故宅爲觀

舊志

舊志有漢東陵聖母云海陵人案杜姜爲廣陵東陵
亭女子後漢書郡國志可據與泰無涉今不錄

王冶海陵人隱居天目山修靈寶法歷宋齊梁百餘年
白日飛昇有羣仙導引步虛濤樂之音四遠皆聞梁昭
明太子聞冶昇舉同邵陵王綸詣山致禮山有二井冶
藏靈寶五符杖履水靴隱形帽於左井封鏹甚密宋元
豐二年發運使蔣之奇致禮請禱開右井得鹿角至數
十丈又獲金龍七玉璧三十六焉舊志

王鹿女者王治居天目山時有五色鹿產一女於山左
草間治聞啼聲往視之見鹿乳焉治養於庵至七歲爲
築鹿女臺居之治飛昇後女欲南渡邑人餞之橫浦云
後百年復來履江水而去唐景雲二年十一月山忽鳴
聲聞遠近適敕遣天台山女道士王妙行行天下名山
大川洞天福地投金龍玉璧王妙行卽鹿女計其時正
百年矣

名勝志

宋周恪字執禮敬述五世孫元祐初再舉進士不第鬱
鬱不得志一日忽悟老子谷神語取儒衣焚之人以爲
狂自是能前知休咎宣和中屢詔不起賜號守靜處士

舊志

徐守信

蔡條鐵圍山叢
談作徐守真

少孤役於天慶觀嘉祐四年天

台道士余元吉來游示惡疾守信事之無倦忽於溺器
得丹砂餌之自是言吉凶禍福如響蔣之奇爲發運使
至泰州謁之坐定了無言說將起忽自言曰天上也不
靜人世更不定蔣固叩之曰天上已遣五百魔王來世
間作官蔣叩其身之休咎徐曰發運亦一赤天魔王也
蔣以經中有神公受命普掃不祥之語呼曰神公人因
以神翁目之蔡京好方士術崇寧初作相爲徽宗言蘇
軾知揚州遣人求字於神翁神翁大書曰泄慢墮地獄

禍及七祖神翁雖方外士而能疾元祐人案此二語甚謬即東坡求

字一事亦明是蔡京微宗頗喜之羣閣又言元符中哲

僞託之辭不可信也宗嘗遣人密問聖嗣神翁曰吉人君子吉人者徽宗名

也於是召至都下不用太宗見陳搏故事御繚褐即便殿

以賓禮接之既至未久即物故年七十六賜大中大夫

給葬用四品禮厝城東響林原弟子苗希頤編次其事

為語錄相傳召至京時寫字與人多驗蔡京得東明二

字皆以為吉後京貶死潭州城南五里外東明寺案宋

昭錢氏私誌載此為成都毛高宗在藩邸獻詩云牡蠣

灘頭一艇橫夕陽西去待潮生與君不負登臨約同上

金鰲背上行建炎庚戌高宗航海至牡蠣灘見金鰲山

易衣登岸至福濟舊志雍正府志俱作臨濟寺壁間見此詩方信神

翁為異人府志采宋詩紀事暨春渚紀聞清波雜志陸

云金鰲山有善濟寺與祥符塔院紹興三十二年始賜

額先是有人題詩云云高廟覽之以為詩識求其人不可得

不言為神翁事據此則藩唐甘弼初為小吏廉恪無他技一日晨出若有所遇忽

裂巾毀履褻語裸裎家人以為狂語中休咎人始稍就

占訊喜怒語默無不驗張榮來據城聞其神異執於大

雪中露坐左右數尺獨無雪髮膚略不沾潤乃積雪丈

餘穿洞穴埋其中彌日出之怡然也後抱薪自焚有田

夫中途遇之問先生安往曰吾歸也入城聞其已自焚矣葬響林原歲餘有見之於江右者又蜀人亦見之青

城云舊志

案張榮於紹興元年知泰州不得云據城且榮能擊退金人有功於宋跡其所為不當有雪埋甘粥之事豈亦如孫策之於于吉怒其妖妄耶要之釋道家往往神奇其說所流傳未可盡信也

陳毯皮豆不知何許人冬夏披方毯行乞市中得錢復以施丐者人呼為陳毯皮云舊志

宋志有陳悟真高存本縣小吏風尚書戚端公本軍校相傳有廬山

降虎事嘉靖志有皇甫真人相傳仙源萬壽宮為真人鍊丹所有皇甫真人藥俗名一塊高先生大隱觀為高舍宅與氣者高存是否一人無考事蹟不詳附識

於此崇禎志有白衣二真人及傅仲良事今見雜誌已上道



